

# *BAHEBERE, TEMA YA BOŠUPA* <sup>1</sup>

 ...bošego, le go kwa Joyce a opela. A le be le tseba gore woo ke moholo ka go wonamong? Mosetsana yo monnyane yola, a ka kgona bjang go nagana tseo tšohle? Gomme bošego bjo bongwe le bjo bongwe o re swaretše ye mpsha. O kgona bjang go nagana tseo tšohle, ka kgonthe ke makgone yo monnyane. Morena a šegofatše ngwana yola.

<sup>2</sup> Bjale, gosasa, ka pedi masometharo, ka legaeng la poloko ka Charlestown, Indiana. Wa rena morategi, mohu kgaetšedi, Kgaetšedi Colvin, re mo fa ditlhompho tša mafelelo go yena, ka le—ka legaeng la poloko le mo lebitleng, gosasa morago ga sekgalela. Yo mongwe yo a kilego a phela bjalo ka ge le le bošegong bjo, gomme o fetetše mošwa seširo mo le tla dirago nako ye nngwe. Gomme bohle ba ba dumago go tsenela tirelo, gobaneng, o amogelegile go tla. Ka nnete e tla ba thušo ye kgolo go lapa la Colvin, go tseba gore tabarenekele fa, moo bohle ba ilego kerekeng botelele bjalo, le go ya pele, e tla... Re tla thaba go ba le lena go tla godimo. Gomme ke a nagana mo... morategi wa rena Ngwanešu McKinney, yena yo a rerilego polokong ya ngwanešu wa ka, mengwaga ye mentši ya go feta, o na le karolo kgolo ya poloko, gomme ke kgopetšwe go tla le go mo thuša ka go di—ka go di ditirelo tša poloko.

<sup>3</sup> Bjale, ke no be ke bile thari gannyane, bošegong bjo. Ke bile le mešomo ye mentši kudu, ga ke tsebe ke ye ka tsela efe. Go ne dipitšo tše ntši, gomme mantlhékge a le dikotsi, gomme batho ba letša, ba etla. Go fihla, ke nno tloga Louisville, dinakwana di se kae tša go feta, go tla morago mo ka pela, le go tlogela dipitšo tše mmalwa tseo di lapišago ka kgonthe gomme di swanetše go dirwa, ke a thanka, gabjale, bošegong bjo. Gomme bjale re rapedišeng ge re eya go bapa.

<sup>4</sup> Gomme mosong wo ga—ga se ka tsoge ka fihla go sa ka—sa ka sehlogo, go tema ya <sup>7</sup> ya Puku ya—ya—ya Bahebere. Gomme ge re sa phutholla go yona, bošegong bjo, ke nyaka go dira tsebišo ka kopano ya Ngwanešu Graham Snelling, godimo ka tenteng godimo fa, mo bofelong bja Brigham Avenue. Ge Morena a rata, ke nyaka go ba morago Laboraro bošego. Gomme kua re tla bea bošego bjo bo itšego bjo re yago godimo bjalo ka kemedi, beke ye nako ye nngwe, go etela Ngwanešu Graham ka kopanong. Gomme yena ke... o re, “O na le lešaba le lebotse.” Gomme—gomme o tla re thabela go tla, bakeng sa thušo ye. Ngwanešu Graham Snelling, e ka ba mang wa lena a tsenelago kopano, goba a rata go, e no ba bofelong bja Brigham Avenue godimo fa. Le ge e ka ba mang a ka kgona go go botša mo e lego. Thwi mo bofelong bja mabala a dipapadi, tente e dutše. O leboga tirišano ya lena.

Gobane, rena bjalo ka tabarenekele re tshepišitše tirišano ya rena le yena, lekgolo la phesente, kafao re leka go thuša.

<sup>5</sup> Bjale, ka gona ka pejana re tla tlase go lefelo la, Morena ge a rata, go tema ya 11 ya Bahebere, mo mašegong a se makae, ge Modimo a rata, gomme fao ke nagana re ya go ba le nako ye kgolo le gona.

<sup>6</sup> Oo, Morena o re šegofaditše mosong wo ka tsela ya bothakga, ka fao A tšholletšego Moya wa Gagwe godimo ga rena! Gomme bjale, bošegong bjo, re Mo letetše go e dira gape; gomme ka gona Laboraro bošego, le go ya pele. Gomme—gomme mašego ao a ntlhayago, Ngwanešu Neville o tla ba fa go e tseela godimo, ge ke le ka ntle.

<sup>7</sup> Ga ke tsoge ka tseba se ke yago go se dira, o ka no ba fairing ye, gomme iri ye nngwe wa biletšwa California. Le a bona, o no se tsebe mo Morena a tla go romelago. Ke ka baka leo go lego thata go dira mananeopeakanyo le go re tla—re tla dira *bjalo le bjalo*. Nka thoma go dira selo se itšego, Morena o tla nthomela felotsoko gape. Le a bona? Kafao ga re tsebe feela se A tla se dirago. Eupša, “Ge Morena a rata,” re a e bolela. Gomme ke nagana re romilwe, goba go laelwa gore, ka Beibeleng, “Ge Morena a rata, re tla dira dilo tše di *bjalo le bjalo*.” Kafao ge re sa direge go dira dipeelano tše re... goba go phethagatsa dipeelano, re ikwela gore mohlomongwe Morena o be a sa rate bakeng sa yona go direga.

<sup>8</sup> Letšatši le lengwe, re be re swerwe, Ngwanešu Roberson le Ngwanešu Wood le nnamong. Gomme re a makala, “Gobaneng?” Re be re dutše kua, re lebeletše mmepe, go tlwa thwi go theoga, gomme re be re otlela dimaele tše masometlhano thwi go otlologa morago leboa gape tseleng. Gomme ke sepetše godimo ga tselalephefo ge e sa le ke be ke le e ka ba mengwaga ye lesomenne bogolo. Gomme ke a makala ke ile ka e dira bjang. Re be re eme kua, bohole boraro bja rena. Rena bohole re sepetše dit selalephefo. Re lebeletše thwi mmepe, re tšwelapele go 130, go tla go kgabola Illinois, gomme re dirile go tepoga go gonyane, re sa lemoge gore letšatši le be le le ka morago ga rena sebakeng sa ka pele. Re be re eya leboa sebakeng sa borwa. Gomme selo sa pele le a tseba, go putlagane tsela, ke rile, “Ye ga se tsela ya maleba.” Lebeletše tlase kua, gomme ra tla go hwetša, re be re tšwele tseleng dimaele tše masometlhano. Re ile thwi go otlologa morago...?

<sup>9</sup> Ka gona ge re bowa morago, re—re be re bolela. Ke rile, “Le a tseba gobaneng? Rena... Morena a ka no ba a re fetile ka thoko ka tsela ye, go re boloka go go beng le kotsi ya go šiiša tlase mo felotsoko, yeo e ka bego e dirile se sengwe ka mokgwa wo mongwe. Re tseba gore dilo tšohle di šoma mmogo bakeng sa tše botse go bona ba ba ratago Morena. Ke sohle seo re swanetšego go se swara monaganong.”

<sup>10</sup> Bjale, bošegong bjo, re thoma bjale bakeng sa thutwana ya go ruta ye nnyane. Gomme ge ke . . . Ga ke nagane re tla ya fase, mohlomongwe re tla dira bošegong bjo, go . . . Ye ke tema ye kgolo ya go ruta ka tša lesome, go kereke. Gomme ke sehlogo se segolo, se re ka kgonago go dula go sona bakeng sa dibeke le dibeke, go selo se setee sela, ka fao Abraham a lefilego tša lesome go Melekitsedeke, le ge eba e bohlokwa.

<sup>11</sup> A fene ye e gobatša e ka ba yo mongwe morago kua? A le ka rata e time? Ge e gobatša e ka ba mang, e fokela ka sefahlegong sa bona, e ka ba efe ya difene. Ge e le, e no phagamiša diatla tša gago. Gomme, goba e no romela yo mongwe wa diašara, romela yo mongwe godimo go ngwanešu fa, o tla go timela yona. Gomme ke mohuta wa go e tswalela nnamong; ke a fišetšwa gomme ke a fufuelwa, ka gona, selo sa pele le a tseba, ke—ke ba makgwakgwa. Kafao, e go lena, kafao e ka se ntshwenye ka tsela e ka ba efe. Re le nyaka le dudišege.

Ga re ye go leka go tšea nako ye ntši kudu ya lena, eupša go no ya go lebelela thwi ka go Lentšu. Gomme pele re e dira, a re boleleng le Mongwadi nakwana feela.

<sup>12</sup> Bjale, Tate wa Legodimong, ga re tsebe se se re letetšego. Eupša selo se nnoši se re se tsebago, gomme re a phegelelwa, gore dilo tše botse di robetše pele ga rena. Gobane go ngwadilwe, “Leihlo ga se la bona, le tsebe ga se ya kwa, ga ešita le go tsena ka dipelong tša batho, tše Modimo a ba beetšego tšona, ba ba Mo ratago.”

<sup>13</sup> Gomme re a rapela gore O tla bula mafastere a Legodimo bošegong bjo, ka ntlopolokeleng ya Gago, gomme wa re fa Lentšu la Gago, leo e tla bago se sengwe sa go swanelo, se sengwe se tla oketšago tumelo ya rena bjalo ka Bakriste, le go re dira go dudišega go iketla kudu—kudu go Ebangedi, go feta se re bego re le ge re etla ka gare. E fe, Tate. Anke Moya wo Mokgethwa o tšee Lentšu la Modimo gomme o Le iše go pelo ye nngwe le ye nngwe bjalo ka ge re ne tlhoko. Leineng la Jesu, re a rapela, Morwa moratwa wa Gago. Amene.

<sup>14</sup> Bjale, mosong wo, go tlogeleng temana ya mafelelo ya tema ya 6, kafao re ka kgona go ya thwi ka go ya 7.

*Ka moo pulamadibogo bakeng sa rena a tsenego, ebile  
yena Jesu, a dirilwego moprista mogolo wa neng le neng,  
ka tshepedišo ya Melekitsedeke.*

<sup>15</sup> Bjale re ya go bala ditemana tše tharo tša mathomo, goba ditemana tše pedi tša mathomo, goba ditemana tše tharo tša mathomo, a ke re, tša tema ya 7, gore re kgone go thoma thwi.

*Gobane Melekitsedeke yo, kgoši ya Salema, moprista  
wa Modimo yo godimodimo, yo a kopanego le Abraham  
a bowa go bolayeng dikgoši, gomme o mo šegofaditše;*

*Go yena gape Abraham a mo file karoło ya lesome ya tšohle, (karolo ya gago ya lesome šeo); sa pele ge le tlathollwa ke Kgoši ya toko, . . . ka morago ga fao gape Kgoši ya Salema, e lego, Kgoši ya khutšo;*

*Ga a ne tate, ga a ne mma, ga a ne moloko, . . . le ge e le mathomo . . . ga ešita ga a ne mathomo a matšatši, le ge e le bofelo bja bophelo; eupša o dirilwe bjalo ka Morwa wa Modimo; o dula e le moprista go ya go ile.*

<sup>16</sup> A setatamente sa go makatša! Bjale re ya go swanela go ya morago ka go Testamente ya Kgale, go nyenkula moko wo mogolo wo. Gomme, oo, ke di rata bjang!

<sup>17</sup> Le a tseba, ntle ka Arizona, re be re tsoma dirafša. Re be re tla ya ka go lefelo la naga la go lebega maswanedi, Mna. Mc Anally le nnamong. Gomme re be re tla bona lefelo mo go lebegago boka, ka go meetšana ye mennyané, moo diforwana tše nnyané, tše ba di bitšago “dikgogolo.” Gomme ke be ke tla . . . O be a ntira ke ye fase gomme a ntira ke fogohle lešabašaba gomme “fše,” ke le bodule. Morago ke fogohle le “fše,” ke le budule. Gomme ke be ke makala gobaneng a dirile seo. Ke tlie ka hwetša, le a bona, ge o budula lešabašaba, le tla ba bohwefo. Gomme tšohle, ebile le morodi, e bohwefo go feta gauta. Gauta e boima go feta morodi. Kafao ge o budula, dimetale ka moka le lešabašaba le tšila di tla fofo, eupša gauta e tla šala fase. Kagona, ge o eya go dikgogolo tsoko go tšwa godimo ka *fa*, go a laetša go ne mothalatšana wa gauta felotsoko godimo kua. Pula ye e gogoletše dithorwana tše nnyané tše ntle. Kafao ka gona re tšeа dipeke le go ya pele, gomme re epa thaba, go nyakile, re leka go hwetša gauta ye. Re bora melete mobung, re o epela ntle. Re bea talameiti, re a e thuthupiša. Re tšwelapele re thuthupiša dišafo, re eya fase go fihla re hwetša, go hwetša tšikakgolo. Bjale, seo ke se re se bitšago “go tsoma dirafša.”

<sup>18</sup> Gomme bošegong bjo re leka go tšeа Lentšu la Modimo, le go Le šomiša ka maatla a Moya wo Mokgethwa, go budula go hloka phapano gohle le dipelaelo go tloga go rená, dilo tše nnyané tšeо tše bofelo tše mafufulana le tšohle tšeо di nogo se be le motheo e ka ba ofe, di se nago boima e ka ba bofe ka bophelong bja rená, re nyaka go se budulela kgole gore re kgone go hwetša Tšika ye ya letago. Tšika yeo ke Kriste.

<sup>19</sup> Gomme bjale anke Modimo a re thuše ge re bala le go ithuta Lentšu la Gagwe. Mafelelo, ditema tše tharo tše mafelelo tše go feta, go nyakile, re be re bolela ka go kwa, feela bjale le kgapela, Melekitsedeke.

<sup>20</sup> Bjale, ke a nagana Paulo o fa tlathollo ya maleba.

*Ka gore Melekitsedeke yo, kgoši ya Salema, . . .*

“Kgoši ya Salema.” Gomme serutegi sa Beibele e ka ba mang se a tseba gore Salema peleng . . . Jerusalema peleng e be e bitšwa “Salema.” Gomme O be a le Kgoši ya Jerusalema. Mo šetšeng.

*...moprista wa Modimo yo godimodimo, (yoo ke mmuelanyi), yo a kopanego le Abraham...*

Ke nyaka go hwetša lešika la Gagwe, Monna yo mogolo yo, gore le tsebe ke Yena Mang, sa pele, gomme morago le... re tla ya pele ka kanegelo.

*...bowa go tšwa go bolayeng dikgoši, gomme o mo šegofaditše;*

*Go yena... Abraham o file karolo ya lesome...sa pele...ka tlhathollo Kgoši ya toko,...*

Bjale šetšang, “Toko.” Bjale, re na le go itokafatša, re ne boitokafatši bja tumelomaitirelo, re ne toko ya go fapošwa, mehuta yohle. Eupša go ne toko e tee ya kgonthe, gomme toko yeo e tšwa go Modimo. Gomme Monna yo e be e le Kgoši ya toko. O be a ka kgona go ba mang?

<sup>21</sup> Bjale, O be a le Kgoši ya toko, Kgoši ya Jerusalema, Kgoši ya toko, Kgoši ya khutšo. Jesu o be a bitšwa, “Mokgoma wa khutšo.” Gomme mokgoma ke morwa wa kgoši. Kafao, Monna yo o be a le Kgoši ya khutšo, gona O be a swanetše go ba Tate wa Mokgoma wa khutšo. Le a e hwetša? [Phuthego e re, “Amene.”—Mor.]

<sup>22</sup> Bjale a re boneng, hwetšang lešika la Gagwe kgojana gannyane, go bona mo re yago.

*Ga a ne tate,...*

Bjale, Jesu o bile le Tate. A le dumela seo? [Phuthego e re, “Amene.”—Mor.] Nnete O bile.

*...ga a ne mme,...*

Jesu o bile le mme. Eupša Moisa yo ga se a be le tate ga ešita le mme.

*...ga a ne moloko,...*

Ga se A tsoge a ba le e ka ba mang yo A tšwago go yena, moloko e ka ba ofe. Ka mehla O bile. “Ntle le moloko.”

*...ešita ga a ne mathomo a matšatši,...*

Ga se A tsoge a ba le nako e ka ba efe ye A go thoma.

*...le ge e le bofelo bja bophelo;...*

E be e ka se kgone go ba selo gape eupša Modimo. Ke sohle Se ka kgonago go ba.

<sup>23</sup> Bjale, bjale ge le ka hlokomela ge re bala temana ya go latela. Le a bona? “Sa pele, ka tlhathollo e lego, Kgoši ya toko.” Ga se fao ke nyakago go dira. Te-te temana ya 3:

*...le ge e le bofelo bja bophelo; eupša o dirilwe go swana le Morwa wa Modimo;...*

Bjale, O be a se Morwa wa Modimo, gobane, ge A be a le Morwa, O bile le mathomo. Gomme Monna yo ga se a be le mathomo. Ge A be a le Morwa, O be a swanetše go ba le bobedi

tate le mme. “Gomme Monna yo o be a se ne ga ešita tate goba mme. Eupša O be a dirilwe *go swana le Morwa wa Modimo.*”

. . . *o dula a le moprista wa motšhaotšhele.*

<sup>24</sup> Bjale, Ngak. Scofield o leka go bolela, gore, “E be e le boprista, bo bitšwa, ‘Boprista bja Melekitsedeke.’”

Eupša ke no nyaka go le tšea go ye metsots e se mekae. Ge e be e le boprista, gona bo bile le mathomo, gomme bo be bo swanetše go ba le bofelo. Eupša, “Yo ga se a ba le mathomo goba bofelo e ka ba bofe.” Gomme ga se a re o kopane le boprista. O kopane le Monna, gomme o biditše Leina la Gagwe “Melekitsedeke.” O be a le Motho, e sego kerekeli, e sego bo—bo—bo boprista goba bontate. O be a le Monna go felela ka Leina la Melekitsedeke, yo a bego a le Kgoši ya Jerusalema. E sego boprista, eupša Kgoši ya go se be le tate. Maboprista ga a ne tate. “Gomme Monna yo o be a se ne tate, a se ne mme, a se ne mathomo a matšatši goba bofelo bja bophelo.” Bjale, Morwa wa Modimo . . .

<sup>25</sup> O be a le mang yo, yo e be e le Jehofa. Yo e be e e le Ramaatlakamoka Modimo Yenamong. E be e ka se kgone go ba yo mongwe.

<sup>26</sup> Hlokamelang bjale, “O dula a le gona neng le neng.” O ne bopaki fa, gore, “O a phela. Ga A tsoge a hwa.” Ga se A tsoge . . . Ga se A tsoge a ba selo gape eupša go phela. “O dula a le gona neng le neng.”

<sup>27</sup> Bjale, Jesu o dirilwe, go swana le Yena. Bjale, lebaka leo go lego phapano gare ga Modimo le Jesu: Jesu o bile le mathomo; Modimo ga se a be le mathomo. Melekitsedeke ga se a be le mathomo, gomme Jesu o bile le mathomo. Eupša Jesu o dirilwe, go swana le Yena. “Moprista, o dula a le gona neng le neng.”

<sup>28</sup> Bjale, ge Melekitsedeke a be a le lefaseng, O be a se selo ka lefaseng eupša je—je Jehofa Modimo a dirilwe go bonagala ka tlholo, O be a le fa boka theophany. Abraham o kopane le Yena gatee, ka tenteng ya gagwe. Gomme bjalo ka ge re boletše mosong wo, “Abraham o Mo lemogile. Gomme O biditše Abraham se A bego a eya go se dira, gobane O be a sa ye go tlogela mojabohwa wa lefase a foufetše go dilo tše A bego a eya go di dira.”

<sup>29</sup> A nka ema fa lebaka la motsots, go re, Modimo o sa ne kgopoloy a go swana ka Kereke ya Gagwe. Ga se lena bana ba leswiswi. Le bana ba Seetša. Gomme re . . . rena ba re . . . “Ba lehlogenolo ke ba boleta, gobane ba tla tše lefase ya ba bohwa.” Gomme a Modimo a ka, Yo a dirilego go—go Abraham, yo a bego a swanetše go tše lefase ya ba bohwa . . . Gomme O rile, “Nka se lobele monna yo a yago go tše lefase ya ba bohwa.” Ke bontši gakaakang go fetiša A tla utollago diphiri tše Gagwe go Kereke ya Gagwe yeo e yago go tše lefase ya ba bohwa!

<sup>30</sup> Daniele o rile, “Ka letšatšing leo ba kitimela go ya le go bowa, tsebo e tla ata.” Gomme o rile, “Ba bohlale ba tla tseba Modimo wa bona, ka letšatšing leo, gomme ba tla dira tše kgolo ka letšatšing leo. Eupša babe ba ka se tsebe Modimo wa Legodimo.” Ba a Mo tseba ka sebolepego le ka tirelo, boka thutwana ya rena ya mathomo e boletše, eupša ga ba Mo tsebe ka tsela ya go phethagala.

<sup>31</sup> Gomme Modimo o kgona feela go šoma ka phethagalo, gobane O Phethagatše. A go šegofatšwe Leina la Gagwe. E swanetše go ba tšhanele ya go phethagala ye Modimo a šomago ka yona, gobane ga A kgone go dira selo gape eupša go šoma ka phethagalo. Ga a kgone go itira patso Yenamong ka tsela e ka ba efe. Gomme ka gona ke ka tsela yeo Jesu a tliego go tloša dibe tša rena, gore re ke re phethagatše, gore Modimo a kgone go šoma ka Kereke ya Gagwe. Moo ke mo sephiri se letšego.

Moo ke mo lefase le foufetšego. Moo ke mo ba nyakago go bolela, gore, “O lahlegetše ke monagano wa gago.” Moo ke mo ba nyakago go re, “Ga o tsebe se o se bolelago.”

Gobaneng, “Dilo tša Morena ke bošilo go bohlale bja lefase le. Eupša dilo tša lefase ke senama go modumedi.” Kafao, o motho wa go fapana, o phela ka go leemo la go fapana. Ga o sa le wa lefase le. O fetile go tloga bophelong bjo go ya ka Bophelong bjo boswa.

<sup>32</sup> Kagona, Modimo o a utolla, e sego go lefase, e sego go ramenagano, e sego go badiredi ba go rutega, eupša go ba go kokobelka ka pelong. Batho ba Gagwe ba lego boleta, O tla utolla diphiri tša dilo tše kgolo tša Modimo, go bona. Le a e bona? [Phuthego e re, “Amene.”—Mor.]

<sup>33</sup> Bjale, bjale, Abraham o be a swanetše go tšeа lefase go ba bohwa. Ka... Peu ya Abraham ditšhaba tsohle di be di tla šegofatšwa. Kafao Modimo o tlie tlase gomme o boletše le yena, ka sebolepego sa Monna.

Bjale, Modimo o bile lefaseng ka mehla. Modimo ga se nke a tlogela lefase. Ge A ka be a kile a tlogela lefase, ga ke tsebe se se ka bego se diregile ka lona. Eupša Modimo ka mehla o bile fa ka sebolepego tsoko. Oo, tumišang Leina la Gagwe!

<sup>34</sup> O be a ne bana ka lešokeng, ba etšwa ka Egepete, ka sebolepego sa Seetša. O boletše le Abraham ka sebolepego sa Monna. O boletše le Moshe ka sebolepego sa Monna. O boletše le Kereke ka sebolepego sa Monna, Morwa wa Gagwe, Kriste Jesu.

Gomme O bolela ka Kereke ya Gagwe lehono, ka Kereke ye e tloditšwego ya Modimo wa go phela, ka dibjana tša letsopa. “Lena le makala. Ke nna Morara.” Modimo a sa bolela, gomme lefase le bona Jesu ge le Mo hlagiša. Ke ka mokgwa wo lefase le bonago... “Le diepistola tše di ngwadilwego, di balwa ke batho bohole.” Bophelo bja gago bo bolela se o lego sona.

<sup>35</sup> Bjale, Abraham yo tseleng ya gagwe, a bowa morago. Re ya go ya morago le go bala ka yena dinakwana di se kae feela, ka go Puku ya Genesi. Ka go tema ya 14 ya Genesi, ke a dumela ke yona. Oo, kanegelo e botse bjang fa! Bjale, bohole re tseba ka Abraham, ka fao gore Modimo o mmiditše go tšwa ka nageng ya Bakaladea ka toropongkgolo ya Ure, gomme a mmotša go ikaroganya yenamong go tloga go magagabo.

Modimo o bitša banna goba basadi, O bitša karogano.

<sup>36</sup> Bjale, bjoo ke bjo e lego bothata ka dikereke lehono, ga ba nyake go ikaroganya bonabeng go tšwa go ba kgale ba senama badu-... basedumele. Ke ka baka leo ga re kgone go ya bokgojana e ka ba bofe. Re no tsena ka go moela woo wa senama, gomme re—re re, “Oo, Jim ke moisa wa go loka, ge a enwa. Ge a... Gomme ke ya le yena kamoreng ya metšene, eupša ga ke raloke motšene. Ke—ke—ke ya le yena phathing. Ba bolela metlae ya ditšhila, le go ya pele, eupša ga ke bolele e ka ba ofe.”

<sup>37</sup> “Etšwang magareng ga bona.” Yeo ke nnete. “Ikaroganye wenamong. Se sware dilo tša bona tša go se hlweke, gomme Ke tla go amogela,” o rialo Morena. “Le se ke la rwala joko le basedumele, la rwala joko go se lekanele mmogo.” Le se ke la e dira. Ikaroganye wenamong.

<sup>38</sup> Gomme Modimo o biditše Abraham go ikaroganya yenamong go merafe yohle ya gabu, le go sepela le Yena. Ngwanešu, dinako tše dingwe go ra go tlogela kereke. Go rile seo go Paulo. O ile a swanela go tlogela kereke ya gagwe. Go rile seo go ba bantši. Dinako tše dingwe go ra go tlogela legae. Dinako tše dingwe go ra go tlogela tate le mme, le go šia bohole. Ga ke re go re e a dira nako ye nngwe le ye nngwe, eupša dinako tše dingwe e a dira. Go ra go re o swanetše go tloša se sengwe le se sengwe gare ga gago le Modimo, gomme o sepele le Yena a nnoši. Oo, yela ya go šegofala, kopano ye bose, kopanelo yela le bago le yona ge le ikaroganya lenabeng go tšwa go dilo tša lefase le badumedi ba senama ba ba dirago motlae ka wena, gomme o sepele o nnoši le Kriste!

<sup>39</sup> Ke lebogile Modimo makga a makae! O rile, “Ke tla go fa botate le bomme ka go lefase le la bjale. Ke tla go fa bagwera le badirišani. Gomme Nka se tsoge ka go tlogela, ga ešita Nka se go ſie. Le ge lefase ka moka le go šotologela, Ke tla ya le wena, go fihla bofelong bja tsela.”

<sup>40</sup> A monyetla wa go šegofala, gore motho o ne tlhohlo yela go latela Morena Jesu, go ikaroganya yenamong go tloga go badirišani bohole ba gagwe ba senama, go latela Morena. Gomme ge motho e ka ba mang a bonala go se itshware yenamong gabotse, le go itlhagiša bonabeng bjalo ka Bakriste, eupša ba rata dilo tša senama, go kaone kudu go wena go tsoma modirišani yo mongwe ka pela. Yeo ke nnete. Gomme ge go se yo a tla sepelago

le wena, go ne Yo a tshepišitšego go sepela le wena. Yoo ke, mošegofatšwa Morena Jesu, O tla sepela le wena.

<sup>41</sup> Modimo o boditše Abraham go, "Ikaroganye wenamong." Gomme feelsa bjalo ka setho bjalo ka ge Abraham a be a le, o tšere papagwe mmogo, o tšere morwa wa ngwanabo mmogo, motlogolo wa gagwe; bohole ba kadietše go yena. Gomme Modimo ga se a tsoge a mo šegofatša go fihla a dirile se Modimo a mmoditšego go se dira.

<sup>42</sup> Ga ke bolele gore ga o Mokriste. Gore, ga ke dirolle e ka ba mang mokriste. Eupša ke tla bolela se, gore ge Modimo a go boditše se sengwe go se dira. A ka se tsoge a go šegofatša go fihla o se dira. Ke ka phuluphithing bošegong bjo ka se sengwe sa dilo tše di swerego godimo ga ka. Dikopano tša ka ga se tša ba se di bego di swanetše go ba sona, lebaka la mengwaga ye mebedi ya go feta. Ke ka gobane ke šitišitše Morena. O mpoditše go, "Eya Afrika, morago India." Še yona, e ngwadilwe thwi fa, ka morago ga Puku ye, gonabjale.

<sup>43</sup> Molaodi o nteleditše, o rile, "Tlogela Maafrikanere a ye. India e komana."

<sup>44</sup> Moya wo Mokgethwa o kopane le nna, o rile, "O tla ya Afrika boka Ke go boditše go ya."

<sup>45</sup> Gomme ngwaga wo mongwe o fetile. Gomme balaodi... Ke lebetše ka Yona. O rile, "Re ya India. Dithekete šetše di le fa."

<sup>46</sup> Ke thomile go tloga, ke E lebetše go fihla ke fihla Lisbon. Bošego bjo bongwe, bjoo, ke naganne ke be ke ehwa. Mosong wa go latela ke thomile, ke ile godimo bohlapelong, go hlapa. Oo, ke be ke babja kudu, ke be ke sa kgone le go ema. Fao, Seetša sela se lekeletše fao ka bohlapelong, se rile, "Ke naganne ke go boditše go, 'Eya ka Afrika, pele.'"

<sup>47</sup> Dikopano tša ka di šitilwe ka go nanya ge e sa le nako yeo. Le ge ke ile India, ka seripa sa milione se eme kua, eupša e be e se go dira se Modimo a rilego dira. Ke ikwela gore dikopano tša ka di ka se tsoge tša ba katlego go fihla ke eya thwi morago le go lokiša selo seo. Ga go kgathale se ke se dirago, ke Afrika, pele, gobane o swanetše go se dira. Lentšu la Modimo la Gosafelego le robetše fale, le robetše fale. Ke tsebile bokaone go feta seo. Eupša ke swanetše go ya morago. Gomme ke ikwela gore ngwaga wo o tlago ke nako ke tla abulelago ka ntle ga legapi, ka thušo ya Morena.

<sup>48</sup> Ye ya letago, Ebangedi ya kgale e bego e gola ga bonolo, boka mohlare wa moouku, ke a dumela o komana go phatlalatša makala a gagwe bjale. Ke a dumela o, Molaetša wo mogolo wo le selo se segolo, ke a dumela gore Morena o tla re dumelela go šikinya lefase gape bakeng sa letago la Modimo.

<sup>49</sup> O swanetše go dira se Modimo a go boditšego go se dira. Gomme Abraham o ile thwi pele, o tšere magagabo le yena. O

be a ba rata. Yeo ke karolo ya setho. Eupša morago ga lebakana, pele le pele, tatagwe o hwile gomme o mmolokile. Ka gona o bile le motlogolo wa gagwe, morago dintwa le dingangišano tša tla godimo. Gomme, mafelelong, Loto o tšere kgetho ya gagwe gomme o ile tlase ka Sodoma. Gomme le hlokometše Abraham, ga se a ke a baka le Loto. O rile, "Re baena. Ga ra swanelo go nganga. Eupša o phagamišetša hlogo ya gago godimo gomme o ya tsela e ka ba efe o nyakago go ya. Ge o ka ya bohlabela, ke tla ya bodikela. O ya leboa, ke tla ya borwa." Woo ke mokgwatebelelo wa Mokriste, ka go rata go fa motho yo mongwe kwano ye kaonekaone. Ka mehla e hlagiše go yena, mo lese a tšee kgetho ya gagwe.

<sup>50</sup> Gobaneng ka baka la eng? Ke eng e dirilego Abraham go e dira? O tsebile gore o tshepišitše ke Modimo gore o be a tla ba mojabohwa wa selo ka moka, golebjalo. Amene. Kafao, gona, tente goba khotetše, re tshwenyegela eng? Selo ka moka ke sa rena. "Ba lehlogenolo ke ba boleta gobane ba tla ba bajabohwa ba lefase." Lohle ke la rena. Modimo o boletše bjalo. Kafao efa motho kgetho ye kaonekaone, ge a nyaka. Mohlomongwe ke yohle a tla tsogego a e hwetša. Eupša yohle ke ya lena, bajabohwa ba phološo ka tshepišo. Yohle ke ya lena.

<sup>51</sup> Kafao, Sarah, mosadi yo mobotsebotse ka nageng, o dutše godimo kua patogeng ya thaba le monnamogatša wa gagwe boka a be a swanetše go dira. O pepeneneng, gabotse, a ka no be a be a apere roko ya kaliko ye bonolo, goba e ka ba eng o nyakago go e bitša. Mola, Mdi. Loto a apere boka madimolione. Gomme monnamogatša wa gagwe o be a le ratoropo wa toropokgolo. O be a le moahlodi yo a dulago kgorong. O be a ne se sengwe le se sengwe; a tsenela didiko tšohle tša moroko le diphathi tša dikarata tše di bego di le gona di eya pele ka Sodoma le Gomora. Eupša Sarah o be a thabile kudu go dula le monnamogatša wa gagwe ka tšhelete ya go kgwelekgwehla, gomme a tseba gore o be a le ka thatong ya Modimo, go feta go ipshina ka mahumo a, goba, maipshino a mahumo lebakana. Yeo ke nnete. Moo ke ge Modimo a etela.

<sup>52</sup> Gomme letšatši le lengwe, wena, feela ka nnete ka mo o tšeago tsela ya go fošagala, e ya go go swara letšatši le lengwe. O ka no nagana o tla ba gabotse. O ka no nagana o a phomelela, eupša ga o dire. E ka no bonala o ka re yohle e šireletšegile, eupša ga se ya šireletšega. Modimo o tseba se sengwe le se sengwe. O tseba ge eba ka kgonthe o ra boipolelo bja gago goba aowa. O tseba ge eba ka nnete o ra gore o a Mo dumela gomme o phološitše, gomme o Mo amogetše, gomme o hwile go dilo tša lefase, gomme o a phela ka go Kriste. O tseba seo.

<sup>53</sup> Bjale, re a hlokomele Abraham, ke le nyaka le hlokomele moyo wo wa kgonthe. Oo, selo ka moka sa go šegofala fa ke mogau. Ke le nyaka le bale le nna bjale go tšwa go tema ya 14 ya Ekisodo, nakwana feela.

<sup>54</sup> Bjale, selo sa pele se diregilego ge ba fihlile tlase kua, Loto o tsene bothateng. Gobaneng? O be a le ka ntle ga thato ya Modimo. Gomme ge o tsena bothateng ge o le ka thatong ya Modimo, Modimo o tla go thuša go tšwa. Eupša ge o le bothateng, ka ntle ga thato ya Modimo, go selo se tee feela go dira, boela morago ka thatong ya Modimo gape.

<sup>55</sup> Bjale, dikgoši di ikgobokantše mmogo tšonabeng, gomme ba nagantšhitše gore melala tlase kua e be e ne meetse gabotse, gomme ba tla no ya tlase le go tsea Sodoma ye nnyane ye ya kgale, Gomora, go e thopa. Gomme ba dirile. Gomme ge ba ile tlase le go e thopa, ba tšere Loto le bona.

<sup>56</sup> Ke nyaka le hlokomele Moya wa Kriste mo ka go Abraham. Bjale hlokamelang temana ya 14.

*Gomme ge Abraham a kwele gore ngwanabo . . . (Le a e hwetša?) . . . ngwanabo o thopilwe, o hlamilie bahlanka ba ba katišitšwego ba gagwe, ba tswaletšwego ntlong ya gagwe mong, makgolotharo le lesomeseswai, gomme ba ba hlomara go fihla Dane.*

<sup>57</sup> Oo, a mogopolu wa go šegofala wa mogau! Abraham, ge ngwanabo, le ge a wele mogau, le ge a be a le ka seemong sa go kgeloga; ge a kwele gore lefase le mo swere, gomme ba mo swere gomme ba mo tšere, go mmolaya, Abraham o dirile ka Moya wa Kriste. O tlie gomme a hlama banna bohole ba gagwe ba ba tswaletšwego ka ntlong ya gagwe, gomme a ba latela, gomme a ba hlomara tsela yohle go ya Dane. Gomme Dane ke dikarolo tša ntentle tša Palestina, “Dane go ya Bereseba,” go tloga bofelong botee go ya go bjo bongwe. Gomme ke sekai sa Kriste, ge A bone gore lefase le tšere . . . le be le wele, gore O hlomaretše lenaba go fihla bofelong, go amogela morago morafe wo o welego wa Adama.

<sup>58</sup> Ke le nyaka le hlokomele temana ya go latela, ka fao Moya o bolelago ka bose mo ka yena. Go lokile, temana ya 15 bjale.

*Gomme o tlišitše morago tšohle (tšohle) dithoto, gomme gape o tlišitše gape ngwanabo Loto, le dithoto tša gagwe, le basadi gape, le batho.*

<sup>59</sup> Ge Abraham a latela lenaba le le bego le tšere ngwanabo, o mo hlomaretše tsela yohle go kgabaganya setšhaba, go fihla Dane, gomme a buša morago se sengwe le se sengwe a se lobilego ka go weng.

<sup>60</sup> A seswantšho se sebotse sa Kriste, Yo a kwelego go tšwa Legodimong gore re be re lahlegile gomme o tlie le go hlomarela lenaba, tsela yohle go ya heleng, gomme a swara disoulo tša go lahlega gomme a re tliša morago le go re bušetša go sengwe le se sengwe re bilego le sona pele ga go wa! Rena, bakgelogi, rena bao re tswaletšwego go ba barwa ba Modimo, bao ba fapošitšwego go ba barwa ba diabolo, le go dirwa . . . re ile ka morago ga dilo tša lefase, le go dira phošo, le go kitima ka bojato boka Loto a

dirile, re rekiša ditokelotswalo tša rena le go ya ka morago ga dilo tša lefase. Kriste o tlie fase. Le ge re wele; Modimo, go tsebeng mathomong ke mang a bego a tla phološwa gomme ke mang a bego a ka se ke, kagona o tlie fase le go hlomarela lenaba go kgabola bophelo, go kgabola lehu, go kgabola paradeise, go ya ka heleng. Gomme tsela yohle go tšwa Letagong go ya heleng, gomme o thopile ma—ma maatla a hele, le dikgonyo go tšwa go diabolo, gomme a tsoga gape, gomme a bušetša go batho, gore ba kgone go ba barwa le barwedi ba Modimo gape.

<sup>61</sup> Le bona Moya ka go Abraham fao, Moya wa Kriste o etla le yena?

<sup>62</sup> Bjale ke le nyaka le hlokomele kgojana gannyane, ge re bala.

*Gomme kgoši ya Sodoma o ile ntle go kopana le yena morago ga ge a boile go tšwa polaong ya kgoši Kedorolaomere, gomme... dikgoši... di be di ne naye, ka moeding wa Seba, e lego moedi wa kgoši.*

<sup>63</sup> Ba ile ntle. Kgoši ya Sodoma e tlišitšwe morago. Ngwanabo o bušitšwe morago. Bana ba bušitšwe morago. Gomme mo go ile dikgoši ntle go mo gahlanetša. Gomme, gape, šefa moo ke nyakago go tla, molaetša bjale. Šetšang mo.

*Gomme—gomme Melekitsedeke, kgoši ya Salema (Kgoši ya Jerusalema, Kgoši ya khutšo) o tlišitše pele borotho le beine: gomme o be a le moprista wa Modimo yo godimodimo.*

*Gomme o mo šegofaditše, gomme o rile, Mošegofatšwa a ebe Abraham wa Modimo yo godimodimo, mong wa magodimo le lefase:*

<sup>64</sup> Melekitsedeke, Kgoši ya Salema, gape o ikemetše Yenamong magareng ga dikgoši. Gomme hlokamelang, ntwa e be e fedile, Moya wa Modimo ka go Abraham, wa Kriste, wo o bušitšego morago ngwanabo yo a welego, ka gona wa mmušetša morago go seemo sa gagwe sa maleba, go tšohle tša a di lobilego. O e bušitše morago. Gomme ge a dirile, O tlišitše borotho le beine, selalelo. A ga le kgone go bona Melekitsedeke o be a le Mang? E be e le Modimo. O tlišitše selalelo ntle, morago ga ntwa.

<sup>65</sup> Bjale a re phutholleng gape go Mateo 26:26, ka pelapela, gomme re bone se Jesu a se boletšego fa ka seo. Ka go Puku ya Mateo, tema ya 26 le gape temana ya 26, re nyaka go bala nthathana gannyane fa. Go lokile, Mateo 26:26.

*Ka gona Jesu o tlie le bona lefelong le le bitšwago Golgotha, Golgotha, goba, Getsemane, ke ra, gomme o rile go barutiwa ba gagwe, Dulang fa, ge Ke sa ya mošola go rapela.*

<sup>66</sup> Ke a dumela ke swere Lengwalo la go fošagala. Mateo, ya masomepedi-... temana ya 26 ya tema ya 26. Ge yo mongwe a na le yona, mpalele yona, ge o—ge o ka kgona go e hwetša. Motsotso

feela. Ye ke sekai se sebotse fa. Ga ke nyake le se foše. Ke rena ba. Yo a e hweditšego, kgaetšedi.

*Gomme ge ba be ba eja, Jesu o tšere borotho, gomme a bo šegofatša, . . .*

E be e le eng? Ntwa e be e fedile.

*. . . bo ngwatha, gomme a bo fa barutiwa ba gagwe, gomme o rile, Tšeang, gomme le je; wo ke mmele wa ka.*

<sup>67</sup> Le bona Melekitsedeke yola? Makgolo a mengwaga pele, ge A kopane le Abraham, morago ga ge ntwa e fedile, O file borotho le beine. Gomme fa Jesu o fa barutiwa, morago ga ge ntwa ya Gagwe ye thata e fedile, O ba file borotho le beine. Šetšang. Šetšang bokamoso bo Etla.

*Gomme o tšere komiki, gomme—gomme o file ditebogo, gomme a ba fa yona, a re, Nwang go yona bohole;*

*Gobane a ke madi a ka a kgwerano ye mpsha, ao a tšollwago bakeng . . . dibe le go tlošwa ga dibe.*

*Eupša Ke re go lena, Nka se nwe go tloga bjale go ya pele se seenywa sa morara, go fihlela letšatšing leo ge Ke se nwa ka boswa le lena mmušong wa Tate.*

<sup>68</sup> Re mo ntweng bjale. Re ka morago ga ngwanešu yo a welego, yoo Modimo, pele ga motheo wa lefase, a mmonego le go mo kgethelapele go ya Bophelong bjo Bosafelego. Gomme dilo tša lefase di mo dirile a swarwe ka go sesasedi. O ka ntle ka go disosaete le magoro, yena le mosadimogatša wa gagwe, ba sepela godimo le fase mekgotheng, ba kgoga le go nwa le go nyakalala, ba leka go hwetša khutšo. Gomme Moya wa Kriste ka go rena, bjalo ka ge o dirile ka go Abraham, re ya ka morago ga gagwe. Ka ditlhamo tšohle tša Modimo, Barongwa ba Modimo ba kampile go dikologa, re ya go buša morago ngwana wa borena yo a welego.

<sup>69</sup> Gomme mafelelong ge ntwa e fedile, re tla kopana le Melekitsedeke gape, šegofatšang Modimo, Yo a šegofaditšego Abraham kua, gomme a mo fa tšhegofatšo, gomme a mo fa borotho le beine, selalelo. Gomme ge ntwa e fedile, re tla kopana le Yena. Rena ba re lego bajabohwa ba tshepišo ya Abraham, bajabohwammogo le Kriste ka Mmušong, re tla kopana le Yena mo bofelong bja tsela, le go tšea borotho le beine, gape, ge ntwa e fedile.

<sup>70</sup> Ke mang Melekitsedeke yo? “Yena Yo a sego a ba le tate, a se ne mme, a se nego mathomo a matšatši goba bofelo bja bophelo.” O tla be a le Kua go fa selalelo gape. Le a e hwetša? [Phuthego e re, “Amene.”—Mor.]

<sup>71</sup> Ge re gogela godimo, mo mašegong a itšego, ge re etla mmogo le go tšea selalelo go tšwa diatleng tša badiredi, re emela gore re dumela go lehu, poloko, le tsogo ya Morena Jesu, gore seširo sela,

mmele wa Gagwe wo A bego a širilwe ka go wona, Modimo, re a se tšea, bjalo ka kemedi, "Re hwile go dilo tša lefase, gomme re tswetšwe leswa ka Moya." Gomme re sepela le Mmele wa Kriste, badumedi bohole mmogo.

<sup>72</sup> Ge ntwa ye kgolo e fedile, gomme re tla godimo gape le Kriste, re tla tšea selalelo le Yena ka Mmušong wa Modimo, ka leswa; le go ja nama, le go nwa madi a morara gape, ka Mmušong wa Modimo. Oo! Melekitsedeke šoo. Ke Yo A bego a le.

<sup>73</sup> Bjale a re baleng go ya kgojana gannyane ka Yena fa, gomme temana ya 18.

*Gomme Melekitsedeke kgoši ya Salema o tlišitše borotho le beine:... (Le a e hwetša?)... gomme o be a le moprista wa Modimo yo godimodimo.*

*Gomme o mo šegofaditše, gomme o rile, Mošegofatšwa e be Abraham wa Modimo yo godimodimo, mong wa magodimo le lefase:*

*Gomme o mo šegofaditše, ... Gomme o šegofaditše...*

*Gomme a go šegofatšwe Modimo yo godimodimo, yo a gafetšego manaba a gago ka seatleng sa gago. Gomme o mo file sa lesome sa tšohle.*

O lefile tša lesome go Melekitsedeke. Abraham o Mo file sa lesome sa dithebola.

<sup>74</sup> Bjale ke le nyaka le hlokomele mo ge Paulo a eya pele, a efa bokamorago bakeng sa thutwana ye e tlagu bjale.

*Gomme kgoši ya Sodoma o rile go Abraham, Mphe batho, gomme wena o tšeete dithoto go wenamong.*

Bjale, kgoši ya Sodoma o rile, "Bjale, wena o no nneela morago balatedi ba ka, gomme o itšeela dithoto go wenamong."

*Gomme Abraham o rile go kgoši ya Sodoma, ke phagamišeditše seatla sa ka godimo go MORENA, Modimo wa godimodimo, ...*

*El Elyon, "mong wa magodimo le lefase," fao.*

*...Modimo wa godimodimo, mong wa magodimo le lefase,*

*Gore nka se tšeet go tšwa go hlale ebile le go lerala la seeta, ...*

O be a se ne masolo a magolo go tšea tšelete. O be a nyaka ngwanabo yo a welego.

*... gomme nka se tšeet e ka ba selo sa gago, gore o se ke wa tla wa re, ke humišitše Abraham:*

*Ge e se tše masogana ba di jelego, le karolo ya banna ba ba ilego le nna, ...*

<sup>75</sup> Bjale, ke le nyaka le hlokomele, Abraham o rile, "Nka se tšeet go tšwa go hlale go lerala la seeta." Ga se a lwa ntwa, go dira

tšelete ye ntši. Gomme dintwa tša kgonthe tša therešo ga di dirwe ka maikaelelo a boikholo. Dintwa ga di lwelwe tšelete. Dintwa di lwelwa bakeng—bakeng sa maikaelelo, bakeng sa dikokwane. Banna ba lwa ntwa bakeng sa dikokwane. Gomme ge Abraham a ile ntle go tšeа Loto, ga se a ya ntle gobane o tsebile o be a tla hwipinya dikgoši gomme a tšeа thoto yohle ya bona, o ile ntle bakeng sa kokwane ya “go phološa ngwanabo.”

<sup>76</sup> Gomme modiredi e ka ba mang yo a romilwego ntle ka tlase ga tšušumetšo ya Kgoši ya Legodimo, a ka se ye bakeng sa tšelete; ga ešita a ka se ye go dira dikereke tše kgolo, ga ešita a ka se ye go šušumetša dikerekemaina. O tla ya feelsa ka kokwane, gomme yeo ke, “Go bušetša ngwanabo yo a welego morago.” Ge eba o hwetša taeme ka moneelo goba ge eba ga a dire, e ka se dire phapano ya nthathana go yena.

<sup>77</sup> Bjalo ka ge ke bolela, “Dintwa tša kgonthe di a lwewa le go hlakišwa bakeng sa dikokwane gomme e sego bakeng sa tšelete.” Gomme banna le basadi ba ba tšoenago kereke le go tla kerekeng, go ba batsebalegi, gobane ba ga Jones ke ba kua, goba ba fetola kereke ya bona go tloga go kereke ye nnyane go ya go kereke ye kgolo, o e dira bakeng sa maikaelelo a boikholo gomme kokwane ya maleba ga e morago go ona. O swanetše go be o rata go ema ka pele ga ntwa.

<sup>78</sup> Ka tabarenekeleng ye fa, ge dilo di fošagala gomme lena banna le lena basadi le tla tšhabela le go ya mošola felotsoko gape, goba la lala ntle go fihla go baka go gonnanyane goba go ngangana go fedile, go ne se sengwe sa phoso ka boitemogelo bja lena. Nnete.

<sup>79</sup> Re ne setlwaedi fa. Re na le tshe—re na le tshepedišo fa. Kereke ye e theilwe godimo ga dikokwane tša Beibele. Ge go ne yo mongwe ka fa a sa dirego gabotse, gomme o nagana ga ba dire, o ya go yena le go bolela le yena. Ge o sa kgone go mmoelanya, gona tšeа ngwanešu tsoko le wena, yo motee goba ba babedi gape. Ge a ka se boelanywe nako yeo, gona e boleleng go kereke. Gomme kereke e tla mo tloša, ya se sa ba le kopanelo le yena gape. Gomme Jesu o rile, “E ka ba eng le e tlemollago lefaseng, Ke tla e tlemolla Legodimong.”

<sup>80</sup> Ke ka baka leo le nago le mathata a mantši kudu, gobane ga le latele dikokwane tša Beibele. Ge yo mongwe ka kerekeng a hlola tšašarakano, goba se sengwe se eya ka phošo, ga se mošomo wa gago go ya go bolela ka monna yoo goba mosadi. Ke mošomo wa gago go ya go monna yoo goba mosadi, gomme o mmotše phošo ya gagwe. Gomme ge a ka se go kwe, tšeа yo mongwe le wena. Ga a sa kwe yoo, gona kereke e a mo tlemolla. Jesu o rile, “Se le se tlemollago lefaseng, Ke tla se tlemolla Legodimong. Se le se tlemago lefaseng, Ke tla se tlema Legodimong.” Ao ke maatla a kereke.

<sup>81</sup> Mo e sego kgale go fetile, moreri mogwera wa ka yo mokaone, o bile le mošemane, mošemane yoo o be a eya kerekeng, kereke ya gagwe mong. O fihlile lefelong mo a thomilego go kitima go dikologa le mosetsana yo monnyane wa kgale yo a bego a kgoga le go nwa le go tšwelapele. Moreri o rile, "Nnete, yeo ke taba ya gagwe." Yena mogwera wa ka wa go wa le go tsoga, gomme mošemane wa go loka. Eupša o ile a ba gohle a ratanakudu le mosadi tsoko yo moswa; gomme o be a nyetšwe, a ne bana tsoko, monnamogatša wa gagwe o be a phela. O be a boifa ba be ba eya go ba . . . mošemane o be a tla mo nyala. Kafao, ngwanešu o be a tshwenyega gohle. Gomme o rile go nna, "Ngwanešu Branham, ke go nyaka o ye go mošemane wa ka *semangmang*. Ke go nyaka o bolele le yena."

<sup>82</sup> Ke rile, "Ngwanešu . . ." Ke nyakile ke biditše leina la gagwe. "O na le tsela ye kaone. Se rome nna. Ge mošemane a sa phele, gomme kerekeng e mmone a dira phošo, gona ke selo bakeng sa kerekeng go dira taba ye. Seo se šetše le kerekeng. Gomme kerekeng e ya godimo le go mmotša."

<sup>83</sup> Kafao o tšere ngwanešu, gomme o ile godimo gomme o mmoditše. Gomme o tlie morago go ngwanešu, a mo tsebiša o be a swaragane le taba ya gagwe mong, bakeng sa gagwe go dira go swana. O tšere ngwanešu yo mongwe, ba babedi gape, matikone a mabedi ba ile godimo gomme ba boditše mošemane. Ga se a e theetša. Ba e boditše kerekeng. Gomme ga se a tsoge a tla lebaka la mašego a mmalwa, go tla go boelanya le kerekeng morago ga ge sebe sa gagwe se boletšwe pele ga kerekeng. Morago, kerekeng e motlemotša.

<sup>84</sup> Gomme e ka ba kgwedi go tloga nako yeo o ile a rathelwa fase ke nyumonia, gomme ngaka o rile, "Ga go sebaka go yena lefaseng go phela." Morago o abuletše morago. Modimo o tseba mokgwa wa go e dira.

<sup>85</sup> Re leka go e dira ka go renabeng, "Oo, le swanetše go raka *semangmang* ka kerekeng. Le swanetše go dira *se, seo*, goba se *sengwe*." A le dirile karolo ya lena bjalo ka kerekeng go yona? Ke lena bao. Yeo ke tsela go ba dira ba abulele morago, ba gafeleng godimo go diabolo nako ye nngwe.

<sup>86</sup> Paulo o rileng ka monna yo tlase mo yo a bego a dula le mmame wa gagwe? Ga se ba ke ba kgona go mmuelanya. O rile, "Mo gafeleng godimo go diabolo." Šetšang se se diregilego. Gomme ka go lengwalo la go latela Paulo o ngwadile, monna yo o otlolotšwe. Nnete. Modimo o ne tsela ya go dira dilo tše, ge re ka no latela melawana ya Gagwe.

<sup>87</sup> Ge se sengwe se fošagala ka kerekeng, ge e le magareng ga phuthego, yo mongwe le yo mongwe wa lena baena. Ge potong ya matikone, yo mongwe wa lena matikone a sa itshware, matikone a mangwe a tla le go ba le kopano, go leka go boelanya ngwanešu, go mmotša se a se dirago; goba o mongwe wa lena maloko, e ka

ba mang o lego. Gona e swanetše go tlišwa pele ga gagwe. Ge a sa e dire, gona etlang le botše modiša. Morago, o tlemollwa go tloga kerekeng, gomme anke a be mohetene le moditšhaba. Gona šetšang Morena o ya go šoma go yena. Le a bona, moo ke ge a bowa morago go yenamong. Moo ke ge a eya go abulela ka gare. Eupša re leka go e dira renabeng, le a tseba, re leka go dira . . . se sengwe le se sengwe ka tsela ye re swanetšego go e dira, bjale, ga re tsoge ra dira katlego.

<sup>88</sup> Bjale, Melekitsedeke yo, Kgoši ya Salema, Mokgoma, Moprista wa Yo Godimodimo, o kopane le Abraham gomme a mo šegofatša. Gomme o Mo file tša lesome, Abraham o dirile. Gomme O be a le Kgoši ya Salema. Gomme O tlišitše ntle borotho le beine, selalelo, gomme a se fa Abraham ka morago ga ntwa, morago ga ge banna ba fentšwe.

<sup>89</sup> Bjale, "Dintwa tšohle," bjalo ka ge ke bolela, "di lwewa bakeng sa dikokwane." Bjale, ge le ne ntwa ye nnyane ka kerekeng, e swanetše go ba kokwane ya maleba. Le swanetše go be le lwela selo sa maleba. Gomme leloko le lengwe le le lengwe la kereke le swanetše go be le dira seo. Bjale, thuto ye ke ya kereke. Ke yeo re lego fa bakeng sa yona. Ke yeo ke emego fa bakeng sa yona. Ke yeo Lentšu la Modimo le lego bakeng sa yona, ke bakeng sa kereke.

<sup>90</sup> Le se tsoge la dumelela selo go šitiša kereke ye. Ge se dira, le ne molato, yo mongwe le yo mongwe wa lena. Gomme lena, ka dikerekeng tša lena tša go fapano, ge se sengwe se fošagetše ka kerekeng ya lena, le ne molato, gobane o moockamedi wa kereke yeo. Ga se taba ya modiša. Ga se taba ya poto ya matikone. Ke ya gago, bjalo ka motho ka motho, go ya go ngwanešu yola gomme o bone ge eba o ka se kgone go dira a boelanywe. Ge go se, gona tšea ba babedi goba ba bararo le wena, ka gona boang morago. A ka se kwe seo, e botšeng kereke. Gona o rakilwe go tloga Mmušong wa Modimo. Modimo o rile, "Ge le mo raka fao, Ke tla mo raka Fa, ge le ile go kgabola tshepedišo ye." Gona O tla tlemolla diabolo go yena bakeng sa kago . . . tshenyo ya nama ya gagwe. Gomme gona o tla bowa morago. Yeo ke nnete. Yeo ke tsela ya go mo dira a bowe morago. Ge a le ngwana wa Modimo, o tla bowa morago. Ge a se yena, gabaneng—gobaneng, o tla ya pele, gomme ka gona diabolo o tla mo romela pele go lefelo la gagwe la Gosafelego.

<sup>91</sup> Bjale, maikaelelo a yona. Ge o no e tliša ka gare bakeng sa yo mongwe, gona yeo e a fapano. Eupša, ge motho a le molato! Gomme Loto o ile tlase gomme o ile a kgeloga, le ge a be a le Mohebere. O ile a ya tlase gomme a kgeloga. O be a le ka mogauing, eupša o wele go tloga go wona. Gomme ge a ile ntle . . . Gomme Loto—Loto o be a phološitšwe. Le se tsoge la nagana gore Loto o be a se a phološwa. O be a. Gobane, nako yohle ge a be a le ka lefelong la go fošagala, Beibele e boletše, gore, "Dibe tša Sodoma di be di tlaiša soulo ya gagwe ya go loka tšatši ka tšatši." Bjale, nama ya gagwe e be e dira selo se tee. Gomme bofelo bja

gagwe ebile eng? O tlišitše kgobogo ye ntši. Mosadimogatša wa gagwe o fetogile pilara ya letswai. O bile le bana ka barwedi ba gagwe. Kafao, le kgona go bona kgobogo ye e e tlišitšego, gobane o wele go tšwa mogaung gomme ga se a tsoge a ipušetša morago yenamong gape. Gomme Modimo o ile a swanelo go mo tšea go tšwa lefaseng.

<sup>92</sup> Eupša, go le bjalo, o be a le ngwanešu yo a welego, gomme Abraham o dirile tšohle tšeoa kgognego go di dira go mmušetša morago gape. Gomme Moya o bego o le ka go Abraham, ke Moya wa Kriste wo o lego ka kerekeng lehono. Ga go kgathale se ngwanešu a se dirilego, o tla dira tšohle o kgonago go mmuša morago ka kopanelong ya Kriste gape. Ga go kgathale se a se dirilego, o tla leka thata.

<sup>93</sup> Bjale, re nyaka go hlokomela fa bjale gape, ge re tšwelapele le thutwana ya rena ya Melekitsedeke yo, Moprista yo mogolo yo wa Salema, le mong wa Magodimo le lefase. Bjale, go beng sa pele:

*Wa go se be le tate, wa go se be le mme, wa go se be le moloko, a se ne gape mathomo a matšatši, goba bofelo bja bophelo; eupša o be a dirilwe go swana le Morwa wa Modimo; wa go ba moprista motšhaotšhele.*

Bjale šetšang. O be a se Morwa wa Modimo, O be a le Modimo wa Morwa. O be a se Morwa wa Modimo, Melekitsedeke o be a se, eupša O be a le Tate wa Morwa wa Modimo.

<sup>94</sup> Bjale, mmele wo A bilego, A o hlodilego. O be o se wa tlišwa ka mosadi. Kafao ka mmele wola o hlodilwego, O be a sa kgone... Mmele tsoko A o dirilego, Yenamong, go utolla Yenamong.

“Ga go motho a ka kgonago go bona Modimo ka nako e ka ba efe. Modimo ke moya.” Mahlo a go hwa ga a bone dilo tšeо, ntle le ge e le ka sebopego boka Pilara ya Mollo, goba e ka ba eng e bilego, goba ka sebopego sa sephedi tsoko se ba se bonego ka pono. Eupša mo... Modimo o swanetše go ikutolla Yenamong ka tsela tsoko. Gomme Modimo o ikutollotše Yenamong go Abraham, ka sebopego sa monna. O ikutollotše Yenamong go Moshe, ka sebopego sa monna. O ikutollotše Yenamong go bana ba Israele, ka sebopego sa Pilara ya Mollo. O ikutollotše Yenamong go Johane Mokolobetši, ka sebopego sa leeba. Le a bona, O ikutollotše Yenamong ka dibopego tšeо.

Ge A be a ikutolla Yenamong ka sebopego sa Monna, bjalo ka Kgoši ya Salema; ya Jerusalema; e sego Jerusalema ya lefaseng, eupša Jerusalema ya Legodimong. O ikutollotše Yenamong ka sebopego seo. O dirilwe “go swana le” Morwa wa Modimo.

<sup>95</sup> Bjale, Morwa wa Modimo o ile a swanelo go tla ka mosadi, go hlolwa fa; ka popelo ya mosadi, gobane ka selo seo sa go swana go tla lehu.

<sup>96</sup> Gomme ga se A kgona go tla ka tlholo boka Modimo a dirile mathomong. Ge Modimo a dirile motho mathomong, mosadi ga se a ba le selo go dira le yona. Modimo o nno re, “A a go be,” gomme motho o tlie go tšwa leroleng. O mmiditše, ntle le mosadi e ka ba mang go ba le e ka ba eng go dira le yona. Eupša, mosadi, nako yeo o bile ka go monna.

<sup>97</sup> Gomme Modimo o ntšitše mosadi go tšwa lehlakoreng la Adama. A yeo ke nnete? [Phuthego e re, “Amene.”—Mor.] Gomme mosadi o ile gomme o tlišitše monna ka thobalano. Kafao tsela e nnoši yeo Modimo a bego a ka kgona go dira... O be a ka se kgone go tla ka theophany yela. O be a ka se kgone go tla bjalo ka Melekitsedeke. O ile a swanela go tla bjalo ka Monna, gomme O ile a swanela go tla ka mosadi. “Peu ya gago e tla tlapiriganya hlogo ya sephente, gomme hlogo ya gagwe e tla tlapiriganya serethe sa Gago.” Le a e hwetsa? [“Amene.”] Modimo o ile a swanela go tla ka mosadi; gomme O dirile, ge A dutše ka mmeleng wa Gagwe wa Morwa wa Gagwe, Kriste Jesu. “Modimo o be a le ka go Kriste, a boelanya lefase go Yenamong.” Gomme O neetše ka Madi a Gagwe Mong bjalo ka sehlabelo. Gomme o file Bophelo bja Gagwe, gore ka tšhanele ya lehu, A ke a go phološe go ya Bophelong bjo Bosafelego.

<sup>98</sup> Kafao Modimo o tlie nako yeo, gomme O dirilwe “go swana” le Morwa wa Modimo. Le a bona? O be a le Monna a dirilwe *go swana* le Morwa wa Modimo. Bjale, O be a ka se kgone go ba Morwa wa Modimo, gobane Monna yo ke wa Gosafelego.

<sup>99</sup> Morwa wa Modimo o bile le mathomo, O bile le bofelo. O bile le na—na nako ya tswalo ya Gagwe, O bile le nako ya lehu la Gagwe. O bile le bobedi mathomo le bofelo. O bile le bobedi tate le mme.

<sup>100</sup> Monna yo ga se a ba ga ešita le tate goba mme, mathomo goba bofelo bja nako. Eupša O dirilwe, Monna yo, Melekitsedeke, o dirilwe go *swana* le Morwa wa Modimo.

<sup>101</sup> Bjale, Morwa wa Modimo, ge A tlie lefaseng, ka sebopego sa mosadi, goba, ka mosadi, ka sebopego sa monna, gomme a bolawa, a tsoga gape ka letšatši la boraro, o tsogile bakeng sa tokafatšo ya rena, bjale O gona neng le neng. Gomme ge feela mmele wola o le gona, re gona le rena. Gomme ka gobane A tsogile go tšwa mmung, re tla tsošwa ka seswantšhong sa Gagwe. Šeo kanegelo ya Ebangedi. A go šegofatšwe Leina la Morena. E sego Barongwa, e sego diphedi tša kagodimogatlhago, e sego sehlopha sa mafofa go turupa tikologong, eupša banna le basadi, amene, ba ema ka seswantšho sa Gagwe. Ee, mohlomphegi.

<sup>102</sup> Bjalo ka ge ka mehla ke boditše se, ke se bolela gape nakong ye. E bonagala e swanela. Ke be ke kama, e ka meriri ye mehlano goba ye tshela ye ke šetšego le yona. Gomme mosadimogatša wa ka o rile, “Billy, o ba le hlogo ya lefatla.”

<sup>103</sup> Ke rile, “Eupša ga ka lahlegelwa ke o tee wa yona.”

<sup>104</sup> Yena a re, “E kae?”

<sup>105</sup> Ke rile, “Mpotshe mo e bego e le gona pele ke e hwetša, ke tla go botša mo e ntetetšego.” Yeo ke nnete.

<sup>106</sup> Ke be ke le bjalo ka mo—mo molwi, ramatswele. Ke be ke tiile le bogolo. Gomme ke ikwetše, ge o be o ka bea kereke ye godimo ga mokokotlo wa ka, ke be ke tla sepela go theoga mokgotha ka yona. Ke tla le botša, ge ke tsoga mosong wo mongwe le wo mongwe bjale, ke a lemoga go ne mengwaga e masomenne le metšo e fetile. Le a bona? Ga ke se ke bego ke le sona. Ke a palelwa, letšatši le lengwe le le lengwe. Ge ke lebelela diatla tša ka le go nagana, “Lebelela fa. Gabotse, ke ba mokgalabje.” Ke lebelela magetla a ka. Ke a bona ke okeditše boima bjo bontši. Ke be ke apara masomepedi seswai go lepanta. Ke apara masometharo bjale. Le a bona, ke a tšofala, go akola, le go nyamalala.

<sup>107</sup> Ke eng yona? Ke ja selo sa go swana ke bego ke se ja. Ke phela go hlweka le bokaone go phala ka mo ke bego ke phela, selo sa go swana. Eupša Modimo o mpeetše nako, gomme ke swanetše go e amogela. Eupša kgopolo ya go šegofala ke, gore, ka letšatši leo, O tla ntsoša gape. Gomme se sengwe le se sengwe ke bego ke le ge ke be ke le mengwaga ye masomepedi tlhano bogolo, ke tla ba gape neng le neng. Amene. Ke lena bao. Botšofadi bo ntshwenyetša eng? Ke teile diabolo go tšwa go yeo lebaka la mengwaga le mengwaga, go tseba se, gore ke dumela Yena. Sekgao se sennyane se e no ba se sennyane, selo se sekopana, golebjalo. Ge feela re dutše masometshela le lesome, mengwaga ye masomešup bogolo, nako ya rena ye e tshepišitšwego, yeo—yeo ke eng eupša manyami le bohloko? Ke eng? A o ka fetolanya ntlo ye ya dilomi bakeng sa selo sela sa letago mošola?

<sup>108</sup> Gobaneng, a go šegofatšwe Leina la Morena! Se sengwe ka gare ga ka se kopane le Melekitsedeke yola letšatši le lengwe, gomme O boletše khutšo go nna gomme O mpha Bophelo bjo Bosafelego. Gomme bophelo bjo ga bo re selo eupša tabarenakele go rera Ebangedi ka yona. Ke bolela se ka tlhokofalo yohle, ka Dibeibele tše pedi tše di robetšego di bulegile pele ga ka. Ge Modimo wa ka a be a feditše ka nna go rera Ebangedi, gomme ke se sa kgona go Mo direla go fetiša, bana ba ka e le ba bagolo go lekanelia go itlhokomela bonabeng, gomme O nyaka go ntšea gonabjale, “Amene,” seo se a e ruma. Ee, mohlomphegi.

<sup>109</sup> E dira phapano efe ge ke le masomeseswai goba ge ke le masomepedi? Ke no ba fa bakeng sa selo se tee: go direla Morena. Yeo ke phetho. Ge nka fele ke sa kgona go rera Ebangedi boka ke dira bjale, ge ke le masomeseswai boka ke dira bjale, ke phapano efe e e dirago ge eba ke masomenne goba masomeseswai? Go ne banna ba bantši masomeseswai a mengwaga bogolo bošegong bjo. Gomme go ne banna ba bantši ba tla hwa, ge mokgalabje wa masomeseswai a tla phela go feta ba bantši ba bona. Ke phapano

efe e e dirago? Ke maikaelelo a gago, dikokwane tša gago, gomme re fa go direla Morena Jesu. Yeo ke phetho.

<sup>110</sup> Go tsebeng se, gore, “Bophelo bjo ke moyameetse ao motho a boletšego ka wona; ao a kilego a ba, gomme morago ga a gona.” Eupša ge re ne Bophelo bjo Bosafelego, Modimo o tshepišitše O tla re tsoša gape. Gomme re tla tsea selalelo le Yena ge matšatši a fedile, gomme ge A re, “Tsenang ka mathabong a Morena, ao a lokišeditšwego lena go tloga go theweng ga lefase.”

<sup>111</sup> Ka gona ke phapano efe e e dirago fa, ge eba re ne e ka ba eng goba ge eba ga re ne? Ge eba re ba baswa goba ge eba re tšofetše, ke phapano efe e e dirago? Selo segolo, a o komana go kopana le Yena? A o a Mo rata? A o ka kgona go Mo direla? A o rekišitše ntle go dilo tša lefase? A o kopane le Melekitsedeke ge e sa le ntwa e fedile?

<sup>112</sup> A go šegofatšwe Modimo! E ka ba mengwaga ye masomepedi tee bogolo, ke be ke le, gomme letšatši le lengwe ke bile le ntwa le *se, seo*, le se *sengwe*. Ke be ke sa kgone go tšea sephetho ge eba ke be ke nyaka go ba molwi, goba ge eba ke be ke nyaka go ba morei, goba motsomi, se ke nyakago go ba sona. Eupša ke kopane le Melekitsedeke, gomme A mpha selalelo, gomme ge e sa le nako yeo e ile ya rungwa go iša neng le neng. Haleluya! Ke ile lehlakoreng la Gagwe. Ke ntše ke hlalala mo tseleng. Gomme ge go etla bofelong bja tsela, gomme lehu le ntsepelela sefahlegong, tsela ye ke ikwelago bjale, nka se tsoge ka le boifa. Ke tla sepela, ke nyaka go sepelela ka sefahlegong sa lona, go tsebeng se, gore ke tseba Yena yo a dirilego tshepišo, yeo ke nneta, gore ke Mo tseba ka maatla a tsogo ya Gagwe. Ge A bitša go tšwa magareng ga bahu, ke tla tšwela ntle go tšwa magareng ga bona. Yeo ke nneta, go Mo tsebeng ka maatla a tsogo ya Gagwe. E dira phapano efe, ge eba ke tšofetše goba ge eba ke nna yo moswa? Ge eba ke nna yo monnyane goba ge eba ke nna yo mogolo? Ge eba ke khoše goba ge eba ke swerwe ke tlala? Ge eba ke ne lefelo go robala goba ge eba ga ke nalo?

<sup>113</sup> “Dinonyana di ne dihlaga, gomme phukubje e ne molete, eupša Morwa wa motho ga a ne lefelo go latša hlogo ya Gagwe,” eupša O be a le Kgoši ya Letago.

<sup>114</sup> Re dikgoši le baprista bošegong bjo. E dira phapano efe ge eba re nago goba ge eba ga re nago? Ge feelsa re ne Modimo, re ba go feta le bafenyi. Re feta le bafenyi. Re dutše ka Bogoneng bja Modimo, ka kopanelong ya Moya wo Mokgethwa, re tsea selalelo sa Semoya go tšwa diatleng tša Gagwe yo a pakilego, “Ke bile Yena yo a bego a hwile, gomme ke phela gape, gomme Ke phela goyagoile.” Dutše mmogo ka mafelong a Magodimong ka go Kriste Jesu. O a go šegofatšwe Leina la Gagwe le lekgethwa. E dira phapano efe?

Tente goba khotetše, gobane ke swanetše go tshwenyega?

Ba nkagela palaisi godimo Kua!

Ya dirubi le ditaamane, le silibere le gauta,

Matlolo a gagwe a tletše, O ne mahumo a go se bolelwe.

<sup>115</sup> Ke kopane le Yena letšatši le lengwe ge ke etšwa ntweng. Ke beile diala tša ka fase. Ga se ka ke ka lwa ntwa ge e sa le nako yeo; O ntwela tšona. Ke no khutša godimo ga tshepišo ya Gagwe, go tsebeng se, gore ke Mo tseba ka maatla a tsogo ya Gagwe. Seo ke se se tshwenyago. Ke eng gape e tshwenyago?

<sup>116</sup> Re ka dira eng? Gobane go nagana go ka oketša moelo o tee go lebopo la gago? O tshwenyegela eng ge eba moriri wa gago o ne dikhele, goba ge eba o ne e ka ba eng goba aowa? E dira phapano efe? Ge o tšofetše, ge o le yo mopodudu, ge o ne magetla a go kobama, ge o se, e dira phapano efe? Amene. Se e no ba ga lebakana, sekgalā se sennyane, eupša Woo ke wa neng le neng le neng le neng. Gomme ge mengwagantši ya nako e tokologela pele, ge mabaka a tokologela pele, o ka se tsoge wa fetoga, gomme o tla ya go kgabola mabaka a Gagwe a go se kgaotše a Gosafelego. E dira phapano efe?

<sup>117</sup> Ke thakgetše kudu ke kopane le Yena. Ke thakgetše kudu O mpha selalelo, letšatši le lengwe, Melekitsedeke yola wa go swana yo a kopanego le Abraham a etšwa polaong ya dikgoši. Nnete. “Modimo wa Legodimo,” *El Elyon*; yo mogolo “KE NNA,” e sego Ke be ke le; KE NNA, lebaka la bjale. “Gomme O mo šegofaditše.”

<sup>118</sup> Theetsang fa feela kgojana gannyane, gore re kgone go hwetša thutwana kgauswana gannyane mmogo. Bjale temana ya 4.

*Bjale hlokamelang ka mo monna yo a bego a le yo  
mogolo ka gona, . . .*

Ke no nagana seo, le nna. “Hlokamelang ka fao Monna yo a bego a le yo mogolo ka gona.” O ka godimo ga Morwa wa Modimo. Morwa wa Modimo o bile le tate le mme; Yena ga se a be. Morwa wa Modimo o bile le mathomo a nako le bofelo bja nako; Yena ga se a ba. E be e le mang yoo? Yoo e be e le Tate wa Morwa. Ke Yo a bego a le.

*. . . hlokamelang ka fao monna yo a bego a le, go  
yena . . . ebile le mopatriaka Abraham o mo file sa lesome  
sa dithebola tšohle.*

<sup>119</sup> Bjale theetsang sekgauswi.

*Gomme ruri bao e lego barwa ba Lefi, bao ba  
amogelago ofisi ya boprista, ba . . . taelo go tšea tša  
lesome tša batho go ya ka molao, ke gore, tša baena ba  
bona, le ge ba tlide go tšwa mathekeng a Abraham:*

<sup>120</sup> Bjale šetšang se ge le nyaka go bona se sengwe.

*Eupša yo moloko wa gagwe e sego motšhaotšhele bakeng sa . . . go tšwa go bona o amogetše tša lesome tša Abraham, gomme o mo šegofaditše yo a bilego le tshepišo.*

<sup>121</sup> Abraham o bile le tshepišo, gomme Monna yo o šegofaditše Abraham yo a bilego le tshepišo. E be e le mang yo? Barwa ba Lefi ba lefile tša lesome go baena ba bona goba . . . Baena ba bona ba lefile tša lesome go bona. Ba bile le taelo ya Morena go tšea sa lesome sa seo bana ba bobona ba se dirego, bakeng sa go phela ga bona, gobane ba be ba le boprista. Bjale, bjoo bo ntšha boprista bja Melekitsedeke, bjalo ka ge le bolela ka yona, thwi kua. Yeo ke nnete. Eupša Monna yo . . . Ebile le yo a bilego le tshepišo, monna yo mogologolo lefaseng, Abraham, o kopane le Monna yo gomme o lefile tša lesome go Yena. [Ga go selo godimo ga theipi—Mor.] O be a swanetše go ba yo mogolwane.

<sup>122</sup> Theetšang.

*Gomme ntle le thulano e ka ba efe monyane o šegofatšwa ke yo mokaone.*

Nnete. Šetšang Yena ke Mang.

*Gomme fa banna ba ba hwago ba amogela tša lesome; . . .*

Bjoo ke boprista bja tshepedišo ya baprista le bareri, le go ya pele. Banna ba ba amogela sa lesome, ba a hwa. Le a bona?

*. . . eupša fa o di amogetše, tša bona go hlatsetšwego gore o a phela.*

<sup>123</sup> Monna a ka tšea tša lesome bakeng sa eng, ge a bile le e ka ba eng . . . Ge a se a tsoge a tswalwa, gomme a ka se tsoge a hwa, gomme a bile go tloga mathomong go fihla bofelong, gomme—gomme a se a ba le tate le mme goba moloko, gomme a le mong wa Magodimo ka moka le lefase le tšohle ka go lona, gabaneng a ka tšea sa lesome? Gobaneng a ka kgopela Abraham go lefa tša lesome? Le bona ka fao e lego selo sa go gagamala go lefa sa lesome? Sa lesome se lokile. Mokriste yo mongwe le yo mongwe o tlamega go lefa sa lesome. Yeo ke nnete. Ga se sa tsoge sa fetoga.

<sup>124</sup> Bjale:

*Gomme bjalo ka ge nka bolela bjalo, Lefi le yena, yo a amogetšego sa lesome, o lefile tša lesome ka go Abraham.*

<sup>125</sup> Bjale, oo, se sengwe sese.

*Kagobane o be a sa le ka mathekeng a tatagwe, ge Melekitsedeke a kopane le yena.*

<sup>126</sup> Eng, Lefi? Abraham e be e le rakgolokhukhu khukhu wa Lefi. Gomme Beibele e boletše fa, gore, “Lefi o lefile dikarolo ge a be a le ka mathekeng a Abraham.” Meloko ye mene pele a be a ka

tsoge a tla lefaseng, o be a lefa tša lesome go Melekitsedeke. A go šegofatšwe Leina la Morena!

<sup>127</sup> Ka gona, lena ba le sa kgonego go dumela ka go kgethelopele, goba peelopele; gomme fa, meloko ye mene pele Lefi a be a ka tsoge a tla go tšwa mathekeng a Abraham, o be a lefa tša lesome go Melekitsedeke. Ke duma ge nkabe re bile le nako go kitima go kgabola Lengwalo.

<sup>128</sup> Ge o be o ka e tšeа godimo boka ka go Jeremia 1:4, Modimo o rile, “Ke go tsebile pele ebile o be o ka bopega ka popelong ya mmago. Gomme Ke go hlwekištše le go go bea mopropeta wa ditšhaba.” Gona o ka bolela gore o dirile eng? Nka bolela gore ke dirile eng? Ke Modimo yo a bontšitshego kgaogelo. Modimo o re tsebile pele ga motheo wa lefase.

<sup>129</sup> Ga A rate gore e ka ba mang a lahlege. Kgonthe ga a dire. Eupša ge A le Modimo, O tsebile ke mang a bego a tla phološwa gomme ke mang a bego a ka se phološwe, goba O be a sa tsebe e ka ba eng. Ge A be a sa tsebe... Ge a be a sa tsebe ke mang a bego a tla kgona Thatlogo, pele lefase le be le ka tsoge la bopša, gona Yena ga se Modimo. Ge A le mohlokamagomo, O be a tla... O tsebile letsetse le lengwe le le lengwe, ntšhi ye nngwe le ye nngwe, nta ye nngwe le ye nngwe, tšhupa ye nngwe le ye nngwe, yeo e bego e ka tsoge ya ba lefaseng, pele lefase le be le ka tsoge la bopša. Yeo ke nnete. O tsebile dilo tšohle. Pele ga motheo wa lefase, O re tsebile. Beibele e boletše, gore, “O re tsebile le go re kgethelapele.”

<sup>130</sup> A re rumeng ye gatee feela. A re yeng morago go Baefeso, tema ya 1. Ya 5 tem-... Tema ya 1 ya Baefeso, nakwana feela. Ke nyaka go bala fa motsotso feela, gore ka kgonthe le kgone go kwešiša gore ga e no ba se sengwe se ke lekago go le botša. Ke se sengwe Modimo a lekago go le botša. Le a bona? Bjale theetšang ye, kgauswi ka kgonthe, tema ya 1 ya Baefeso.

*Paulo, moapostola wa Jesu Kriste ka thato ya Modimo,...*

Monna wa go swana yo a ngwadilego lengwalo la Bahebere, o ngwala lengwalo le.

...go bakgethwa...

Le ga se go basedumele, eupša go bakgethwa, bahlwe-... bona bakgethwafatšwa.

...ba ba lego ka Efeso, le go babotegi ka go Kriste Jesu:

Mogau o be go lena, le khutšo, go tšwa go Modimo Tate wa rena, le go tšwa go Morena Jesu Kriste.

A go šegofatšwe Modimo le Tatago Morena wa rena Jesu Kriste, yo a re šegofaditšege ka tšohle ditšhegofatšo tša semoya ka mafelong a legodimong...

“Go ya ka mo A . . .” Bjale, theetšang sekgauswi bjale, temana ya 4.

*Go ya ka mo a re kgethilego ka go yena pele ga metheo ya lefase, . . .*

Ke mang “rena” fao? Kereke.

*. . . o re kgethile ka go yena (Kriste) pele ga motheo, lefase, gore re be ba bakgethwa le go hloka bosodi pele ga gagwe ka lerato:*

*Ka mo a re kgethetsegopele go ya ka go peo ya bana ka Jesu Kriste go yenamong, go ya ka kgahlego botse ya gagwe mong ya thato ya gagwe,*

<sup>131</sup> Ke mang a e dirilego? Modimo o e dirile. Modimo o tsebile go tloga mathomong ke mang a bego a tla phološwa. Nnete, O be a sa rate ge e ka ba mang a senyega. Eupša ga se A romela Jesu fa go no bona ge eba o tla—o tla itshwara boka, “Gabotse, mošokiši Jesu, ke Mo kwela bohloko. Mohlomongwe bokaone ke phološwe le go e netefatša.” Aowa, mohlomphegi.

<sup>132</sup> Modimo o tsebile mathomong ke mang a tla gomme ke mang a ka sekego. Kafao, kagona, O tsebile ba bangwe ba be ba tla, kafao O rometše Jesu go dira seloba bakeng sa bao A ba tsebilegopele. “Gobane bao A ba tsebilegopele, O ba biditše. Gomme bao A ba biditšego, O ba lokafaditše. Gomme bao A ba lokafaditšego, O šetše (lebaka le lefetilego) a ba tagafaditše.” Ke lena fao.

<sup>133</sup> Kafao ga se wena yo a go bolokago wenamong, ke mogau wa Modimo wo o go bolokago. Ga se wa iphološa wenamong, goba ga go selo o se dirilego go swanela go phološwa. Ke mogau wa Modimo wo o go phološitšego. Mogau wa Modimo o go biditše. Tsebelopele ya Modimo e go tsebile. O tsebile gore o tla ba ka kerekeng ye bošegong bjo, pele motheo wa lefase o ka tsoge wa bewa, ge A le mohlokamagomo. Ge A se, Yena ga se Modimo. Ge A tsebile dilo tšohle, O be a le Modimo. Ge A se a tseba dilo tšohle, O be a se Modimo. Ge A le Ramaatlakamoka Modimo, A ka kgona go dira dilo tšohle. Ge A ka se kgone go dira dilo tšohle, Yena ga se Ramaatlakamoka Modimo. Ke lena fao.

<sup>134</sup> Kafao o ka kgona bjang go re ke se sengwe o kgonnego go se dira? Ga se selo o kgonago go se dira. Ke lerato le mogau wa Modimo go wena, gore ebile o fa. Ga go selo o kgonnego go se dira, Modimo o go biditše ka mogau wa Gagwe; o theeditše, o kwele, o amogetše.

<sup>135</sup> “Gabotse,” o re, “Ngwanešu Branham, seo se e dira go tlemologa gampe.” Nnete se a dira. O lokologile. “Gabotse, moisa yola a ka kgona go dira e ka ba eng a nyakago.” Ka go felela. Ka mehla ke dira se ke nyakago go se dira. Eupša ge o le Mokriste, ga o nyake go dira phošo.

<sup>136</sup> Go ne mosetsana yo monnyane wa kgale o dutše morago kua bošegong bjo, mosadimogatša wa ka. Ke mo rata ka tšohle tše di lego ka go nna. Gomme ge ke tsebile gore nka kgona go kitima tikologong le mosadi yo mongwe gomme ka feta ka yona, le go ya go mmotša, gomme ka re, “Meda, ke dirile phošo,” a o nagana ke tla e dira? Ge ke mo rata ka nnene, nka se e dire. Yeo ke nnene.

<sup>137</sup> Bjale, go ka reng ge nka re, “Oo, nka se kgone go e dira. Gobane, ke tla go botša gobaneng. O tla ntlhala, gomme ke ne . . . Oo, ke nna moreri. Le bona se seo se tla se dirago? Seo se tla mpea ka ntle ga phuluphithi, ge a ka ntihala. ‘Monna wa go hlalwa, oo!’ Ke ne bana ba bararo; ga ke kgone go nagana ka seo. Eupša, šaatena, ke . . .”? Gabotse, ge yeo e le tsela ye e lego, o sa le wa molao. Ga se motheo wa molao ke mo nyetšego godimo ga wona. Ga se motheo wa molao wo o ntirago go phela therešo go yena. Ke ka gobane ke a mo rata. Ga ka swanelo go dira e ka ba eng. Ke e dira ka boomo gobane ke taba ya lerato. Gomme ge o rata mosadimogatša wa gago, o tla dira selo sa go swana.

<sup>138</sup> Gomme ge o rata mosadimogatša wa gago ka mokgwa woo, ka lerato la *phileo*, o tla swanelo ke go dira eng go Mokriste ka lerato la *agapao*, le le lego go tia kudu makga a milione, ge ka kgonthe o rata Modimo? Ge ke tsebile bošegong bjo nka kgona go ya ntle go ya go tagwa, ge ke tsebile bošegong bjo nka kgona go kitima tikologong le go ba boitshwarohlephi, ge ke tsebile, bošegong bjo; ge ebile seo se be se le ka pelong ya ka go dira bjalo, gomme ke ile le go se dira, go tsebeng gore O be a tla ntshwarela, ke be nka se se dire. Ke nagana kudukudu ka Yena. Ke a Mo rata. Nnene. Ka kgonthe.

<sup>139</sup> Ke ka baka leo ke be nka se rekiše boitemogelo bja ka go kerekeleina e ka ba efe, (aowa, mohlomphegi), e sego Assemblies of God, e sego Church of God, e sego Pilgrim Holiness, Methodist, Baptist, Presbyterian, Katoliki. Ke be nka se tsee e ka ba eng e bego e ka neelwa, bakeng sa boitemogelo bjo. Gobane, ga bo tsoge bja tla ka motho. Bo tla ka Modimo. Aowa, mohlomphegi. Ke be nka se rekiše ditokelotsalo tša ka bakeng sa e ka ba rokenrole ya Elvis Presley, goba bakeng sa molokoloko wa Makatoliki, goba tša gagwe, goba, diCadillac, goba ditolara tša gagwe tše milione, le go ya pele, a di hwetšago kgwedi ye nngwe le ye nngwe. Aowa, mohlomphegi. Ke a Mo rata. Gomme ge ke . . . Ge feela ke Mo rata ka mokgwa woo, ke tla dula ke le therešo go Yena. Gomme ge Modimo a mpiditše gomme a nkgethile, O beile se sengwe ka go nna, gomme ke a Mo rata.

<sup>140</sup> Ke elelwa Mna. Isler. Le a mo tseba bohole, bontši lena bohole. O tla thwi fa, mosenatoro wa naga ya Indiana; o tla fa, o raloka katara. Ge lesea la ka le hlokofetše, mosadimogatša wa ka a hlokofetše, gomme bona bohole ba robetše mo ka serapeng sa mabitla. Gomme ke be ke eya go rotoga tsela, ka diatla tša ka ka morago ga ka, ke lla. O tabogetše ka ntle ga ya gagwe ye nnyane, theraka ya kgale, gomme a tla a bea letsogo la gagwe go

ntikologa, o rile, "Billy, ke nyaka go go botšiša potšišo." O rile, "Ke go kwele o rera go fihla o nyaka go wa ka phuluphithing. Ke go kwele dikhoneng tša mekgotha le se sengwe le se sengwe, o goelela ntle bakeng sa Kriste." O rile, "Bjale O tšere papago. O tšere ngwaneno. O ba hlohotše bobedi, gomme ba hwetše ka diatleng tša gago. Kua o hlokofetše. Mosadimogatša wa gago o hlokofetše, a swere diatla tša gago. Gomme lesea la gago le hlokofetše, gomme o Mmiditše go go thuša. Gomme O retolotše magetla a Gagwe go wena. O nagana eng ka Yena?"

<sup>141</sup> Ke rile, "Ke Mo rata ka tšohle tše di lego ka go nna. Ge A nthomela heleng, ke tla no fele ke sa Mo rata." Ke Yena wa toka. Ga ke bolele seo; mengwaga ye masomepedi tshela e e netefaditše. Yeo ke nnete.

<sup>142</sup> Ge o Mo rata! E sego mošomo, gore, "Ga ke kgone go dira se, gomme ga ke kgone go dira sela." O Mo rata kudukudu go se dira, gobane O go kgethile. Ga se wa tsoge wa Mo kgetha, O go kgethile.

<sup>143</sup> O rile, "Ke nyakile Morena, gomme ke nyakile Morena."

Ga go motho yo a nyakago Modimo. Ke Modimo, a nyakago motho. O ka no ba o nyaka lerato la Gagwe, eupša Modimo o swanetše go fetola tlhago ya gago pele o ka kgona ebile go Mo nyaka, gobane, o modiradibe, o kolobe. Yeo ke nnete.

<sup>144</sup> Gomme ba bangwe ba lena batho le yago kerekeng gomme le no phela ka boleloko bja lena, le ya ntle mo gomme le dira se sengwe le se sengwe ka lefaseng, gomme ka gona le sa ntše le eya morago le go re, "Ya, ke nna wa kereke." Gabotse tše o ke ditsela tše telele go tloga go beng wa Modimo. Nnete. Ga ke... Eupša le bona batho ba dira seo, le kgona go bolela. Oo, ke maloko a go loka a kereke. Yeo ke therešo. O ka fele o sa ntše o le leloko la kereke gomme o dira dilo tše, eupša o ka se kgone go ba Mokriste gomme o di dira.

<sup>145</sup> Bjale ka ge ke boletše, mosong wo, "Legokubu la kgale, ge go kile gwa ba moikaketši, ke legokubu." Yeo ke nnete. Yena le leeba di dutše godimo ga areka ya go swana, di dutše ka segoleng sa go swana. Gomme legokubu la kgale le ile la kgotsofala ge le ile la tlemollwa, gomme la tšwela ka ntle ga Kereke yela, gore a kgone go ya ntle gomme a dule godimo ga setoto se tee sa go hwa le go "gwa, gwa," le go ja setee se, go ja go tšwa go pere, le go ja go tšwa go kgomo, le e ka ba eng e bego e le, o be a kgotsofetše. Eupša ge Noage a tlemolotše leeba, ga se a kgona go hwetše bokhutšo bja dikgato tša maoto a gagwe. O bile le bontši kudu bja tokelo go dula godimo ga phoofolo ya go hwa bjalo ka ge legokubu le dirile, eupša e be e le ditlhago tše pedi tša go fapan. Ye tee ya tšona e be e le leeba, le go thoma. O be a le legokubu, le go thoma.

<sup>146</sup> Eupša, ge le ka hlokomela, legokubu la kgale le ka kgona go dula fa godimo ga setoto gomme la ja, seripa sa letšatši. Leeba le tla dula ka tšhemong ya korong gomme la ja, seripa sa letšatši.

Gomme legokubu le ka kgona go fofela thwi ntle kua gomme la ja dijo tša leeba, kudu ka moo a nyakago go ja. A ka kgona go ja korong ye ntši bjalo ka ge legokubu le kgona, goba, ka mo leeba le kgonago. Eupša yena, legokubu, a ka kgona go ja dijo tša leeba, eupša leeba le ka se kgone go ja dijo tša legokubu. Yeo ke nnete.

<sup>147</sup> Kafao, moikaketši wa kgale o kgona go tla kerekeng, gomme a hlalala le go goelela le go tumiša Morena, le go ya pele ka mokgwa woo, gomme a ya thwi morago ka ntle gomme a ipshina ka dilo tša lefase. Eupša Mokriste wa go tswalwagape a ka se kgone go e dira, gobane lerato la Modimo le mo thibela go mafelo a mabjalo gomme a ka se kgone go e dira.

<sup>148</sup> Kafao ge o no ba Mokriste ka go tšoena kereke, gomme o tlogetše go dira *se*, le *seo*, gomme tumo ya go swana e ka go wena, o hloka mokarabelo wo mongwe. Yeo ke nnete tlwa.

<sup>149</sup> Gomme lena basadi ba le kgonago go apara tšona dišothi tša kgale, gomme thwi ntle mo mokgotheng, gomme ka gona o ipitša wenamong “modumedi.” O modumedi, eupša o mohlala wa go šokiša wa yo motee, mohlomongwe. Ge ka kgontha o bile le Kriste ka pelong ya gago, o be o ka se nagane ka dilo tše bjalo ka tše. Ga ke kgathale se basadi ka moka ba se dirago, le se basetsana ka moka ba se dirago, o tla fapania, gobane o rata Kriste kudu.

<sup>150</sup> Ke boletše le mosadi letšatši le lengwe, ka ntlong, gomme o fošeditše diatla tša gagwe godimo ka mokgwa *wo*, o rile, “Mor. Branham, ke nyaka ke ponoka, fa ka ntlong ya ka. Ke sepela tikologong.”

<sup>151</sup> Ke naganne, “Dihlong go wena.” Ka ntlong ya gago mong, ga ke kgathale moo o lego. Yeo ke nnete. Apara le go itshwara boka mosadi, boka ka mo mohumagadi a swanetšeego go. Dihlong go wena. Eupša o tšwelapele . . . Ya, Beibele e rile, “Ge o rata dilo tše, dilo tša lefase, lerato la Kriste ebile ga le ka go wena.” Gomme ge o rata Morena, feela pelo yohle ya gago, ka soulo yohle ya gago, ka monagano ohle wa gago, o tla tloša tšona dilo tše nnyane tša kgale tša ditšhila go wena. Yeo ke nnete.

<sup>152</sup> Gomme wena motikone, le lena ba bangwe fa, ba le kitimago ntle mokgotheng fa, gomme o tamola molala wa gago le go lebelela yo mongwe le yo mongwe wa basadi. Dihlong go wena; gomme o ipitša wenamong “morwa wa Modimo.” Ke a tseba e a kgobola, eupša bokaone o kgobolwe go phala gore nako yeo o tšhungwe neng le neng kua. Kafao ge o dira dilo tše . . . Bjale, o ka se kgone go thuša ge mosadi a sepela go theoga mokgotha, a apere seripa. Wena, ge o lebelela, o tlemega go mmona, eupša o ka kgona go retolla hlogo ya gago. Beibele e rile, “Mang kapa mang a lebelelago mosadi go mo kganyoga, o šetše a dirile bootswa le yena ka pelong ya gago.”

<sup>153</sup> Anke ke go botše se sengwe, kgaetšedi morategi, o ya go araba. Ga ke tshwenyege, o ka no ba o sekile bjalo ka lili. O ka no be o se wa nke wa dira sebe sa mohuta woo, sebe sa maitshwarohlephi, ka bophelong bja gago. Eupša ge o apara ka mokgwa woo, o ya go araba mo Kahlolong bakeng sa go dira bootswa le monna yo mongwe le yo mongwe a go lebeletšego. Beibele e boletše. Gomme o sepela go theoga mokgotha, ke mang wa molato, monna? Aowa, mohlomphegi. Ke wena. O itlhagišitše wenamong ka tsela yeo.

<sup>154</sup> Mosadi o ne lefelo le legolo. Ke le lekgethwa, le lebotse, lefelo la go makatša. Eupša o swanetše go ipoloka yenamong ka tsela yeo, go swara ofisi ya gagwe bjalo ka ge a swanetše, bjalo ka mme, bjalo ka mosadi le ya bosadi. Ge bosadi bo thubegile, lerapomokokotlo la setšhaba e ka ba sefe le robegile. Gomme ke ka baka leo, lehono, setšhaba sa rena se senyegile, ke ka baka la maitshwarohlephi a basadi ba rena. Yeo ke nnete tlwa. Nnete. Ke podiša magareng ga rena, ke eng e bo robago.

<sup>155</sup> Se o se hlokago ke go kopana le Melekitsedeke yo nako ye nngwe. Amene. Anke A—anke A go šegofatše le go go fa beine, borotho, Bophelo bjo Bosafelego. Gona o tla bona dilo go fapania. Gona o tla . . . Go tla fapania. O ka se nyake bašemane go be ba dira mo . . . molodi wa khoyote go wena, molodi wa phiri, goba e ka ba eng o nyakago go o bitša. Nnete aowa. O tla fapania.

<sup>156</sup> Gomme o ra go mpotša gore o apara ka mokgwa woo, gomme o tšwela ntle kua, bakeng sa morero e ka ba ofe? O re, “Gobaneng, go fodilenyana.” O bolela kanegelo. Ga se gwa folanyana. Saense e netefatša gore ga se gwa folanyana. Ke kga . . . Ke kganyogo ye e tlago godimo ga gago, kgaetšedi. Ga o e lemoge. Ga ke leke go le gobatša, eupša ke leka go le sebotša. Bontši mosadi wa maitshwaro, go no hlweka ka mo a kgonago go ba, mohumagadi yo mobotse yo monnyane, o sepelela ka ntle ka tšona dilo, mo mokgotheng, ka go se be le letsvalo go tseba se a se dirago, gobane moreri tsoko wa go kgeloga o a boifa monnamogatša wa gago a ka se lefe tša lesome tša gagwe ka kerekeng gape. Ge a kile a tsoge a kopana le Melekitsedeke, a ka se nagane dilo tše. O tla rera Ebangedi. Ge e kgobotše mokgopha go tloga mokokotlong wa bona, o tla E rera, golebjalo. Yeo ke nnete tlwa.

<sup>157</sup> O a e dira, gomme o a e dira gobane moyo wola wa kganyogo o godimo. Gomme lena banna ba le tla dumelelago basadibagatša ba lena go dira dilo tša mohuta woo, ke ne dikholofelo tše nnyane tša lena bjalo ka banna. Yeo ke nnete. Yeo ke nnete. Bjale, ga go dithetho go yeo, gobane, goba, ga go go kgopela tshwarelo, gobane, yeo ke therešo. Gomme monna yo a tla dumelelago mosadimogatša wa gagwe go tšwela ntle mokgotheng le go itshwara ka mokgwa woo, ngwanešu, o swanetše go be o apere diaparo tša gagwe. Yeo ke nnete. Wena, gobaneng, nna!

<sup>158</sup> Ga ke re mosadimogatša wa ka a ka se e dire. Eupša ke swanetše go fetolwa le go fapošwa, go se ke lego sona bjale, ge nka tsoge ka phela le yena ge a se dira. Gomme yeo ke nnete tlwa.

Basesana ba ka, ba ka no se dire ge ba eba basadi. Ga ke re ba ka se ke. Ga ke tsebe. Go tšwa go kgaogelo ya Modimo. Ke a holofela ba ka se ke. Ge ba ka dira, ba tla sepela ka godimo ga dithapelo tša tate wa go loka. Ba tla sepela godimo ga bophelo bja yo mongwe yo a lekilego go phela gabotse, ge ba ka tsoge ba se dira. Yeo ke nnete. Eupša ke nyaka go phela gabotse, go ruta gabotse, go ba gabotse, gomme ke kgone go ba laela gabotse. Ge ba dira seo, ba tla tia tsela ya bona go ya heleng, godimo ga ntlhora ya Kriste wa ka, le ka godimo ga ntlhora ya ditshebotšo tša ka, yeo ke nnete, ge ba ka tsoge ba e dira. Nnete. Yeo ke therešo.

<sup>159</sup> Dihlong go wena. Ge o ka tsoge wa kopana le Kriste, sefahlego ka sefahlego, gomme A go šegofatša, gomme a bea katlo yela ya netefatšo godimo ga pelo ya gago, bodiabolo bohle heleng ba ka se tsoge ba go dira o di apare gape. Yeo ke nnete. O fetogile go tloga lehung go ya Bophelong, gomme dikgahlego tša gago di beilwe go dilo tša godimo gomme e sego go dilo tša lefase. Amene. Bokaone ke tlogele sehlogo seo. E a feralela. Go lokile. Eupša ke Therešo.

<sup>160</sup> Go lokile, ge re tšwelapele bjale feela kgojana gannyane, morago re a tswalela.

...ka kgontha ba e bego e le barwa ba Lefi, ...ba amogela sa lesome sa ofisi ya boprista, gomme ba ne taelo go tsea sa lesome sa batho go ya ka molao, ke gore, sa baena ba bona, le ge ba tšwile mathekeng a Abraham:

*Eupša yoo moloko wa gagwe o sa balwego go tšwa go bona bao ba amogetšego tša lesome tša Abraham, le tšhegofatšo ya yena yo a bilego le tshepišo.*

*Gomme ka dikganetšano tšohle monyane o šegofatšwa ke yo mokaone.*

*Gomme fa banna ba ba hwago ba amogela tša lesome; eupša fa o a di amogela, tša yena yo a hlatsetšwego gore o a phela. Gomme ke ...*

*Gomme ge nka...re, Lefi le yena,...o amogetše sa lesome, amogetše sa lesome, o lefile tša lesome ka go Abraham.*

*Gobane o be a sa le ka mathekeng a tatagwe, ge Melekitsedeke a kopane le yena.*

<sup>161</sup> Mokgwatebelelo wa gago—wa gago go Kriste o tla dira kgopolole ye kgolo go se bana ba gago ba tla bago sona. Bophelo bjo o bo phelago pele ga lapa la gago bo tla dira kgopolole go se bana ba gago ba tla bago sona. Gobane, Beibele e boletše,

gore, “O tla lata bokgopo bja batswadi godimo ga bana go fihla melokong ya boraro le ya bone.”

<sup>162</sup> Bjale, dinakwana di se kae feels, pele ga go tswalela.

Gomme *kagona* ge *phethagalo* (*phethagalo* ya lena šeo gape) e be e le ka boprista bja *Balefi*, (*gobane* ka *tlase* ga *bjona* *batho* ba amogetše molao,) *tlhoko* ya *kgojana* ke efe gore fao go tla . . . moprista yo mongwe o swanetše go *tsoga* ka *tshepedišo* ya *Melekitsedeke*, gomme e sego go *bitšwa* ka *morago* ga *tshepedišo* ya *Arone*?

<sup>163</sup> Molao, molatelamolao, le a bona, “Oo, o swanetše go dira se. Ge o sa dire *se*, ga o Mokriste. Ge o sa boloke sabatha! Ge o sa . . . Ge o eja nama! Ge o dira dilo *tše!*” Dikgopololo tšohle tše tša semolao. “Gomme o swanetše go ya kerekeng. Ge o sa dire, o lefa kotlo bakeng sa yona. O swanetše go dira nobena.” Selo seo ke ditšiebadimo. O pholoswa ka mogau wa Modimo, ka tsebelopele ya Modimo, ka kgethelopele ya Gagwe. Modimo o biditše Abraham ka kgethelopele, ka tsebelopele. O biditše. O hloile Esau, gomme o ratile Jakobo, pele ga ge le o tee wa bona a tswalwa. Yeo ke nnete. Ke—ke tsebelopele ya Modimo yo a tsebago dilo tše.

<sup>164</sup> O re gona, “Mohola wa go rera Ebangedi ke eng?”

<sup>165</sup> Bjale ke tla bolela go wena, se. Paulo o arabile, goba Jesu o dirile, a ke re. Jesu šo. O rile, “Mmušo wa Legodimo o swana le motho yo a ilego go wo, mo—mo mogobe goba letsha, gomme a lahlela nnete ka gare. O gogetše ka gare. Go tšwa ka kua, o bile le dipshinyaleraga. O bile le diterapine. O bile le disephente. O bile le mekgaditswane. O bile le digwagwa. O bile le digokgo. O bile le ditopeledi. O bile—o bile le dihlapi.” Bjale, monna o no thea.

<sup>166</sup> Seo se boka Ebangedi. Še yona bjale, ke rera Ebangedi. Ke no lahlela nnete ntle. Ke a e goga, ke re, “Bohle ba ba ratago, e ka ba mang kapa mang, a a tle.” Mo go tla ba bangwe godimo, aletareng. Bohle ba lekeletše go dikologa aletara. Ba a rapela. Ba a lla. Ga ke tsebe yo motee go tšwa go yo mongwe. Ga se taba ya ka. Ga se ka romelwa go ahlola.

<sup>167</sup> Eupša, go ne ba bangwe ka kua ba lego digwagwa. Go ne ba bangwe e lego mekgaditswane. Go ne bao ba e lego dinoga. Ke, bangwe, ke dipshinyaleraga. Gomme go ne ba bangwe e lego hlapi. Ga se taba ya ka go ahlola. Ke re, “Tate, sese se ke se gogetše ntle.”

<sup>168</sup> Eupša, se sengwe e be e le segwagwa, le go thoma.

<sup>169</sup> Segokgo, segokgo sa kgale se tla dula fale le go lebelela tikologong, lebakana le lennyane, se retolla wona mahlo, sa lebelela go dikologa, sa re, “Le a tseba ke eng? Ke nno ba le e ka ba bontši bja Ye ka mo ke kgonago go ema.” Twanka, twanka, twanka, twanka, tša ya ka ntle.

<sup>170</sup> Mohumagadi sephente wa go tšofala o tla phagamišetša hlogo ya gagwe godimo, gomme a re, “Gabotse, le a tseba ke eng? Ge eba ba ya go rera ka mokgwa woo, kgahlanong le go apara dišothi le dilo, yeo e a ntšea. Kafao ke tla tloga go sehlopha sela sa bapshikologibakgethwa. Ke sohle seo se swanetšego go ba.” O be o le noga le go thoma. Yeo ke nnene tlwa. Ya.

<sup>171</sup> Gomme mo go dutše morena segwagwa sa marokolo sa go tšofala, ka sikara se segolo ka molomong wa gagwe, boka powana ya go tlošwa dinaka ya Texas, o tla ema kua le go lebelela go dikologa, a re, “Gabotse, ga se gwa ke gwa nkahlola go kgoga. Ke tla no tšwela ka ntle ga selo se, gonabjale.” Gabotse, wena segwagwa sa kgale, o bile seo, le go thoma. Yeo ke nnene tlwa. Yeo ke nnene tlwa.

<sup>172</sup> Tlhago ya gago e netefatša se o lego sona. Bophelo bja gago bo a bontšha, bo bonagatša se o lego sona, gomme mo mathomong. Ga go bothata go nna go bona seo. Ga go bothata go wena go se bona.

<sup>173</sup> Ge ke be nka ya ntle ga Roy Slaughter molemi a dutše mo, gomme ka bona dikolobe ntle godimo ga mokgobo wa manyora, di ejá manyora, ke be nka se nagane selo se sebe ka seo. Ke kolobe. Eupša ge ke bone kwana godimo ga mokgobo wola wa manyora, ke be ke tla makala. Uh-huh. Le a bona? Se tshwenyege, o ka se mmone kua. A ka se ke a a kgotlelela. Yeo ke nnene.

<sup>174</sup> Gomme motho yo a tswetšwe ke Moya wa Modimo o hloya dilo tša lefase. Yeo ke nnene, “Gobane ge le rata lefase goba dilo tša lefase, lerato la Modimo ebile ga le gona ka go lena.”

<sup>175</sup> Ge ke gerema tikologong le basadi letšatši le lengwe le le lengwe, gomme ka tla ka gare, ka botša mosadimogatša wa ka ke be ke mo rata, o be a tla tseba ke be ke le moaketši. Ditiro tša ka di tla bolela ka go hlaboša kudu go feta mantšu a ka. Nnete. Ke netefatša go yena gore ke be ke sa mo rate, gobane ke be ke se therešo go yena.

<sup>176</sup> O mpoditše o be a nthata, gomme nako ye nngwe le ye nngwe ge ke tla be ke sepetsé, o tla tloga le yo mongwe gape, se tla netefatša gore o be a sa nthate. Nnete. Ditiro tša gagwe di e netefaditše. Ga ke kgathale o leka gakaakang go mpotsa, “Bill, ke a go rata, gomme ga go yo mongwe gape lefaseng eupša wena,” ke tla tseba o be o le moaketši.

<sup>177</sup> Gomme ge o leka go re, “Morena, ke a Go rata,” gomme o dira dilo tša lefase, Modimo o a tseba o moaketši, le go thoma. Kafao gobaneng? Go hola eng go amogela boitemogelo bja kgale bja tselaseripa, le se sengwe sengwe boka seo, ge mafaufau a magolo a Legodimo a tletše ka selo sa kgonthe? Gobaneng o nyaka go ba wa go nyamisa, wa go bolelwa, wa tsela seripa, wa go hubegwa, yo a bitšwago Mokriste? Ge, o ka kgonia go ba ngwana wa Modimo wa kgonthe wa go tswalwa gape, ka dipele tša thabo

tša Legodimo di lla ka pelong ya gago, o hlalala, le go tumiša Modimo, le go phela bophelo bja phenyo ka Jesu Kriste.

<sup>178</sup> E sego go leka go e dira wenamong, gobane o tla palelwa, le go thoma. Eupša tše Yena, Ke Lentšu la Gagwe, gomme khutša go se A se boletšego e be e le Therešo. Gomme Mo dumele, gomme Mo rate, gomme O tla dira se sengwe le se sengwe go šoma gabotse ka nnete bakeng sa gago. Yeo ke yona. Yeo ke kgopolو.

<sup>179</sup> Morena a le šegofatše. Ga ke nyake go le omanya, eupša, ngwanešu, ke go gokaone kudu go hwetša go omanywa go gonnnyane. Ke lena banake. Le a bona? Gomme papa e ka ba mang yo a ratago digotlane tša gagwe ka nnete o tla ba phošolla, goba ga se mohuta wa maleba wa papa. A yeo ke nnete? Yeo ke nnete. Gomme papa yo o ne molao o motee feela, gomme woo ke molao wa legae. Gomme Modimo o ne molao o tee feela, gomme woo ke Lentšu la Gagwe.

<sup>180</sup> Ge re dumela Lentšu la Gagwe, gona re tla phela ka Lentšu la Gagwe. Ke mošomo wa rena, ge re kile ra kopana le Modimo. E sego ka gobane o re, “Gabotse, ke ya kerekeng, gomme ke swanetše go dira se.” O a nyamiša. O se ke wa dira seo. Gobaneng o nyaka go ba la go nyamiša, la go hlagala, legokubu la go hloka modimo bakeng sa eng, ge o ka kgona go ba leeba? Nnete. O no swanela go ba le tlhago ya gago e fetolwe. Gomme o fetola tlhago ya gago, o ba morwa le morwedi wa Modimo, o ba le khutšo le Modimo.

<sup>181</sup> Jesu! “Kagona Jesu le yena, gore A hlwekiše batho ka Madi a Gagwe Mong, o tlaišegile ka ntle ga dikgoro,” Bahebere 13: 12 le 13. Baroma 5:1, “Kagona ka go lokafatšwa ka tumelo,” e sego ka go šikinya diatla, e sego ka kolobetšo ya meetse, e sego go bea diatla godimo, e sego ka go goelela, e sego ka go bolela ka maleme, e sego ka sekwi e ka ba sefe. “Eupša ka go lokafatšwa ka tumelo, re ne khutšo le Modimo ka Morena wa rena Jesu Kriste.” Re fetile go tšwa lehung go ya Bophelong, gomme ra ba dibopiwa tše diswa, gobane re dumetše go Morwa motswalwanoši wa Modimo, gomme re Mo amogetše bjalo ka Mophološi wa rena wa sebele. Gomme Madi a Gagwe a dira, bošegong bjo, bjalo ka seloba sa sebe sa rena, go ema ka lefelong la rena.

<sup>182</sup> Ka go Testamente ya Kgale, go ne lefelo le tee feela go ba le kopanelo, leo ke ka fase ga madi. Modumedi yo mongwe le yo mongwe o ile a swanela go tla ka fase ga madi. Ge sethole se sehubedu se bolailwe, o be a dirilwe moneelo wa sebe. O swanetše go ba yo mohubedu. Gomme tema ya 19 ya Ekisodo, ge e ka ba mang wa lena a ka rata go e bala. Gomme o swanetše go tšewa, tlhako, yohle, e tšhungwe mmogo. Gomme ka gona yeo e be e dirwa meetse a karogano. A be a bewa ka ntle ga dikgoro. A be a swanetše go swarwa ke seatla sa go hlweka. Madi a sethole a ile pele... go phuthego, gomme a rathilwe makga a šupago godimo

ga mojako. Gomme bjale, motho yo mongwe le yo mongwe a tšhilafetšego a sepelelago godimo, sa pele o swanetše go lemoga le go bona madi ale, gomme a lemoge gore go ne kopanelo feela ka tlase ga madi ale. Ke lefelo le nnoši leo morapedi gabotse a ka kgonago go rapela semmušo, e bile ka tlase ga madi.

<sup>183</sup> Ka gona, selo sa pele a bego a swanela go se dira, pele a ka kgona go tla ka fase ga madi, go be go swanetše go ba meetse a a karogano a fafatšwa godimo ga gagwe, gomme mosehlweke o be a hlwekišwa.

<sup>184</sup> Gomme ba tšere meetse a karogano gomme ba a fafaditše godimo ga monna wa mosepedi, le go mo aroganya go tšwa go dibe tša gagwe. Gomme ka gona o be a sepela ka fase ga merapapitsi ye e šupago ye ya madi, gomme o bile le kopanelo le badumedi ka moka ka Bogoneng bja Modimo.

<sup>185</sup> Go ne tsela e tee feela go e dira. E sego go šikinya diatla, e sego go tšoena kereke, e sego ka dikolobetšo, e sego ka maikutlo; eupša go sepelela godimo go meetse a karogano, wa bea diatla tša gago, ka tumelo, godimo ga hlogo ya Jesu, le go re, “Ke nna modiradibe, gomme O hwile lefelong la ka. Gomme Sengwe ka go nna se a mpotša gore O tla ntshwarela dibe tša ka, gomme ke Go amogela bjalo ka Mophološi wa ka wa sebele bjale.” Sepela ka tlase ga Madi, mošola, eba le kopanelo le bana ba Modimo. Yeo ke yona. Eja borotho, enwa beine, gomme o be le kopanelo le kereke.

<sup>186</sup> Oo, a Yena ga a makatše? A Yena ga a loka? Bjale, se se ka no bonala go se tlwaelege go wena, mogwera. Eupša ke eng—ke eng ke e emetšego mo le go bolela dilo tše bakeng sa sona? A nka di bolela go leka go itira nnamong go fapano go tšwa go yo mongwe gape? Ge ke dira, gona ke swanela go sokologa. Ke a E bolela gobane Modimo o E boletše, gobane Ke Lentšu la Modimo. Gomme theetšang. Go tla nako, gomme bjale ke yona, yeo ge batho ba eya go tloga bohlabela go ya bodikela, ba leka go hwetša Lentšu la Modimo, gomme ba ka se Le hwetše.

<sup>187</sup> Ge o eya ka kopanong, selo sa pele o se dirago, o ya ka kua gomme ba ne sehlopha sa maleme le ditlhathollo, gomme yo mongwe o a phagama gomme o tšwelapele a tsopola Lengwalo; gomme seo ke senama. Ka go felela. Modimo o rile go rena “go se šomiše go ratharatha ga lefeela,” go reng ka Yena? Ge A Le ngwadile gatee, o a Le dumela. Ga A swanela go Le bolela gape. Maleme le ditlhathollo di lokile, eupša e swanetše go ba molaetša wa thwi go kereke le go yo mongwe, e sego feela senama le dilo tše. Ka gona o ya pele ka go dilo tšohle tše dingwe tše.

<sup>188</sup> Mo letšatši le lengwe, banna ba babedi ba sepelela ka go... gomme monna le mosadimogatša, le monna yo mongwe le mosadimogatša, ba baswa ba sa tšo nyalana, ba sepeletše ka lefelong, go ya Afrika bjalo ka moromiwa. Yo mongwe o emeletše gomme a fa seprofeto, gomme a fa maleme le ditlhathollo, gore,

“Ba t̄seelane mosadimogat̄sha seng.” Gore, “E be e se ya swanelo go ba ka tsela yeo. Ba nyetše motho wa go fošagala.” Gomme batho ba babedi bao ba arogane gomme ba nyalagape, leboelela gape. Monna yo motee o t̄sere mosadimogat̄sha wa yo mongwe, yo mongwe, ka go kerekeleina ketapele ya Pentecostal, gomme ba ile Afrika bjalo ka baromiwa.

<sup>189</sup> Ngwanešu, ge o t̄sea keno ya gago, o tlemilwe wa mošomo go keno yeo go fihla lehu le go lokolla. Nnete tlwa. Nnete. Ge o t̄sea keno ya gago, e tlemile.

<sup>190</sup> T̄shohle t̄seo, ditšiebadimo! Go fihlile lefelong go fihla ge o eya dikerekeng, ga ešita e ba go tonya le fomale le go omeleta, go fihla themometa ya semoya e tla ya go masometlhano ka fase ga lefela. Batho ba no dula bjalo ka tlhokofele godimo ga sešebo, go no baba le go hloka phapano le go šošobana. Gomme ge o ekwa yo mongwe, moragorago kua khoneng, a ka no rora ntle ye nnyane “amene,” gatee ka lebakana, mo o ka rego e a ba gobat̄sha, bona bohle ba tla tamola molala wa bona boka mapidibidi, go lebelela go dikologa, go bona se se diregilego. Le a tseba yeo ke therešo. Ga ke bolele seo bakeng sa motlae. Le ga se lefelo la motlae. Yeo ke Therešo. Nnete. Ke se bolela ka gobane ke Therešo ya Ebangedi.

<sup>191</sup> Gomme lehlakore le lengwe, o hwet̄sha sehlopha sa ditšiebadimo sa sehlopha sa maikutlo a senama se t̄swelapele, gomme mafelelong Lentšu la Modimo la therešo le fihlile lefelong mo o sa kgonego go Le kwa: ya kgale ya gare ga tsela, Ebangedi, Seet̄sa tseleng ya ka, haleluya, Madi a Kwana, lerato la Modimo le le re aroganyago go t̄sua dilong t̄sha lefase.

<sup>192</sup> “A o boletše ka maleme, ngwanešu? Ga o na le Wona. A o kile wa goelela go fihla maikutlo a go tonya a ile godimo ga mokokotlo wa gago? A o kile wa bona dipolo t̄sha mollo?” Oo, ditšiebadimo! Ga go selo se sebjalo.

<sup>193</sup> A le dumetše go Morena Jesu Kriste gomme le Mo amogetše bjalo ka Mophološi wa lena wa sebele? Gomme Moya wa Modimo o bea bohletse le moyo wa lena, gore le barwa le barwedi ba Modimo. Gomme bophelo bja gago bo enywa kenywa ya lerato, thabo, khutšo, pelofalo, bobotse, bonolo, boleta. Gona o Mokriste. Ge bo sa dire, ga ke tshwenyege se o se dirago.

Paulo o rile, “Nka kgona go neela mmele wa ka go tshungwa bjalo ka sehlabelo. Ke tseba diphiri t̄shohle t̄sha Modimo. Nka kgona go šuthiša dithaba ka tumelo ya ka. Nka kgona go bolela ka maleme boka batho le Barongwa. Ga ke selo.” Go reng ka seo? Bakorinthe ba Pele 13; hwet̄sang ge Yeo e le nnete goba aowa.

<sup>194</sup> Bjale hwet̄sang ge—ge Bakorinthe, Bakorinthe ba Bobedi 13, ke a dumela ke yona. Goba, gabotse, e ka ba Bakorinthe ba Pele goba ba Bobedi. Bakorinthe ba Pele fao, Bakorinthe ba Pele 13, ke nnete. “Le ge nka bolela ka maleme a batho le Barongwa, bobedi mohuta wo o ka kgona go hlathollla le wo o sa kgonego

go hlathollwa, ga ke selo.” Kafao mohola wa go šilofala le lona ke eng, gona?

<sup>195</sup> “Le ge nka kwešiša diphiri tšohle tša Modimo.” Gobaneng o eya diseminaring go leka go ithuta kudu ka eng? Bokaone o loke le Modimo, pele. Nnete. “Le ge nka, ‘Oo, haleluya ya go šegofala!’”

<sup>196</sup> O fihle mo ebile o ka se kgonego go ba le phuthego ntle le ge o ka ba le lesolo la go fodiša goba mohuta tsoko wa mehlolo o eya pele. “Moloko wa go fokola le bootswa o nyaka ye mebjalo.” O nyaka eng ka yeo?

<sup>197</sup> Paulo o rile a ka kgona go dira mehuta yohle ya dilo, ebile le go šuthiša dithaba, gomme o sa ntše a se selo. “Mo go lego maleme, a tla goma. Mo go lego tsebo, e tla nyamalala. Mo go lego diprofeto, se tla palelwa. Eupša ge se e lego sa go phethagala se etla, se tla ba gona neng le neng,” gomme lerato ke phethagalo. “Modimo o ratile lefase kudu, go fihla A file Morwamotswalanoši wa Gagwe.” Gore, “Mang kapa mang a tlhakgaselago, mang kapa mang a šikinyegago, mang kapa mang a bolelago, mang bjalo”? “Mang kapa mang a dumelago ka go Yena a se ke a lahlega, eupša a be le Bophelo bjo Bosafelego.” Dumelang seo, bana.

<sup>198</sup> Ba leka go e dira mararankodi kudu, dilo *tše* le *tšona* dilo. Ge, e kgabakgabela fase go selo se tee: tumelo ya gago ya sebele ka go Modimo. Ke gore. Yeo e a e bolela. “Ke ka tumelo,” e sego ka maikutlo. “Ka tumelo,” e sego ka maikutlo. “Ka tumelo,” e sego ka sekwi. “Eupša ka tumelo re a phološwa; gomme yeo ka . . .” Gobane o nyakile Morena? Gobane o be o le motho wa go loka? Gobane, “Modimo, ka mogau, o go tsebilepele gomme a go beela Bophelo bjo Bosafelego.”

<sup>199</sup> Jesu o rile, “Ga go motho yo a ka tlang go Nna ge e se ge Tate wa Ka a mo goga. Gomme bohole ba tlago go nna, Ke tla mo fa Bophelo bjo Bosafelego. Ga go motho a ka kgonago go ba utla go tšwa seatleng sa Ka. Ke ba Ka. Ba pholosítšwe neng le neng. Ke ba hweditše. Ga go motho a ka kgonago go ba utla go tšwa seatleng sa Tate wa Ka, gomme ke Yena Yo a ba filego go Nna. Ke bona dimpho tša lerato tša Ka.”

<sup>200</sup> “Gomme bohole A ba tsebilegopele, O ba biditše.” Ga A bitše e ka ba mang ntle le ge A mo tsebilepele. “Bohole A ba biditše, O ba lokafaditše; bohole A ba lokafaditše, O ba tagafaditše.” Kafao, le a bona, re no ba ka go khutšo ya go phethagala.

<sup>201</sup> Bjale, ke a tseba go ne balatelamolao ba bantši fa, masomesenyane senyane a phesente ya lena. Eupša, lebelelang, ge le ka no tše Le gomme la lemoga gore ga ke leke go le botša se sengwe.

<sup>202</sup> Ka gona o re, “Gabotse, Ngwanešu Branham, ka mehla ke naganne ke be ke swanetše go dira *se* gomme ke be ke swanetše go dira *sela*.” Go ne ye bjalo—ye bjalo phapano ka go yona,

ngwanešu, se o swanetšego go se dira le se o nyakago go se dira. O phološitšwe, e sego ka gobane o bile le selo se tee go dira le yona. O phološitšwe ka baka la gore Modimo o go phološitše pele ga motheo wa lefase.

<sup>203</sup> Theetšang. Theetšang fa. Beibele e rile, ka go Kutollo. Ke ya go le tsea sa pele go ya mafelelong bjale. Beibele e boletše, ka go Kutollo, gore, ge sebata se tlie, o forile bohle godimo ga lefase. Sebata se dirile. “O forile bohle godimo ga lefase, bao maina a bona a bego a se a ngwalwa ka Pukung ya Bophelo ya Kwana . . .” Ge e sa le tsošeletšo e thomile? A seo se kwagala gabotse? Gabotse, ge e sa le moreri a rerile theroyela ye maatla? Ge e sa le monna yola a fodišitšwe? “. . .ge e sa le motheong wa lefase.”

<sup>204</sup> Jesu o bolailwe kae, mo Khalibari? Aowa, mohlomphegi. Jesu o bolailwe pele ga motheo wa lefase. “Bonang Kwana ya Modimo, yeo e bolailwego pele ga motheo wa lefase.” Modimo, mo mathomong, ge A bone sebe, O bone se se diregilego, O boletše Lentšu. Gomme Jesu o bolailwe pele ga motheo wa lefase. Gomme motho yo mongwe le yo mongwe o be a phološitšwe, o be a phološitšwe, go ya ka Beibele, ge Kwana e be e hlabiwa ka mogopolong wa Modimo, go tloga motheong wa lefase. O ile wa akaretšwa ka go phološo nako yeo. Kafao o ya go dira eng ka Yona?

<sup>205</sup> Ke Modimo. Leina la Morena le šegofatšwe! “Ke Modimo yo a šomago; e sego yo a ratago goba yo a kitimago, eupša Modimo o bontšha kgaogelo.”

Ge Jesu a bolailwe pele ga motheo wa lefase, go tšere mengwaga ye kete tš nne pele e direga ka kgontha. Eupša ge Modimo a e boletše morago fa, Lentšu la Modimo le lengwe le le lengwe le tiile. Lona ga le palelwe. Lona ga le neelanwe. Lona ga le kgone go šitwa. Gomme ge Modimo a bolaile Morwa pele ga motheo wa lefase, O be a no ba a bolailwe kudu nako yeo go no swana le ge A bile mo Khalibari. Ke setšweletšwa se se fedilego, ge Modimo a bolela bjalo. Gomme elelwang, ge Kwana e bolailwe, phološo ya lena e be e akareeditšwe ka go sehlabelo, gobane Beibele e boletše gore leina la gago le be le “Ngwadilwe ka Pukung ya Bophelo ya Kwana pele ga motheo wa lefase.”

Go reng ka seo? Gona re ya go dira eng? Ke Modimo yo a laetšego kgaogelo. Ke Modimo yo a go biditšego. Ke Modimo yo a go kgethilego ka go Kriste pele ga motheo wa lefase. Jesu o rile, “Ga se wa tsoge—ga se wa tsoge wa kgetha Nna. Ke kgethile wena. Gomme Ke go tsebile, pele ga motheo wa lefase.” Ke lena bao.

<sup>206</sup> Kafao, le a bona, seo se ntšha letšhogo go tšwa go wena. “Oo, ke makala ge eba ke tla kgona go tšwelapele ke swareletše? Ke tla e kgona, šegofatša Modimo, ge nka no tšwelapele ke swareletše.” Ga se eba ke a swarelela, goba aowa. Ke ge eba O swareletše,

goba aowa. Ke seo—seo A se dirilego, e sego se ke se dirilego. Ke se A se dirilego.

Bjale ka fase ga molao wa topollo. Se ke selo sa senyane ke nyakago go se bolela pele ga go tswalela.

<sup>207</sup> Go ka reng ge tonkitshadi e be e ka tswala moula wo monnyane? Gomme mmoula wo monnyane wo o bile le ditsebe di kgaogile. A be a ne mahlo a go leana, le dikhisimatolo, le digoro. Mosela wa gagwe o šupile thwi go otloga ka moyeng. A phoofolo ya go lebega go šiiša! Gobaneng, mang kapa mang... Ge moula wo monnyane wola o be o ka kgona go nagana, wa re, “Bjale, ema motsots. Ge ba tswela ka ntle ga ntlo mosong wo, ke a le botša, ke na le nneta ke tla thulwa hlogo. Gobane, ga ba tsoge ba nteša. Bonang ke nna selo sa go lebega go šiiša bjang. Ebile ga ke ne sebaka.”

<sup>208</sup> Gabotse, yeo ke nneta. Ga o na sebaka. “Gabotse, ke tswetšwe lefaseng le, eupša lebelang fa ke nna selo sa go lebega go šiiša bjang. Kafao nka—nka—nka—nka se tsoge ka ba le sebaka. Nka se e kgone. Nka se e kgone.” Le a bona?

<sup>209</sup> Eupša go ka reng ge mmagwe a rutilwe ka molao ka kgonthe? O tla re, “Morwa, yeo ke nneta. O tswetele lebopong, ebile ga wa swanela go ja dijo go tšwa lefaseng. Yeo ke nneta. Ga wa swanela. Eupša, morwa, ka mokgwa wo mongwe, o wa ka wa pele. Gomme, o a tseba, o tswetšwe ka tlase ga tokelotswalo. Gomme moprista a ka se tsoge a go bona. Eupša, bakeng sa leina la gago, go swanetše go ba kwana ya go hloka bosodi ya go se be le sekodi, e swanetše go hwa sebakeng sa gago, gore o kgone go phela.”

<sup>210</sup> Gabotse, moula wo monnyane wola o ka no fanyetša meletse le go ba le nako ye kgolo. Ga go dire phapano e ka ba efe se a lego sona, gobane a ka se tsoge a bonwa ke moahlodi, moprista. Ke kwana ye moprista a e lebeletšego. E sego moula; kwana!

<sup>211</sup> Gomme ke Kriste yo Modimo a mo lebelelago, e sego wena. Ke Kriste. Kafao ge go se phošo ka go Yena, go ka kgona bjang go ba phošo? A ka kgona bjang go hwetša phošo, ge o hwile gomme bophelo bja gago bo fihlilwe ka go Kriste ka Modimo, o tswaleletšwe ka Moya wo Mokgethwa? “Ba ba tswetšwego ke Modimo ga a dire sebe, gobane ga a kgone go dira sebe.” A ka kgona bjang go dira sebe ge sehlabelo sa go phethagala se letše ka lefelong la gagwe? Modimo ga a tsoge a ntebelela, O lebelela go Kriste, gobane re ka go Kriste.

<sup>212</sup> Bjal, ge ke rata Kriste, ke tla phela le Yena. A ka be a se a ntliša ka gare ntle le ge A tseba. Ge Modimo a mphološitše lehono, a tseba O be a eya go ntoba dibeke tše tshela go tloga lehono, O fenza morero wa Gagwe Mong. Nnete. Ebile ga A tsebe bokamoso gona, ge A mphološitše, a tseba. O nyaka go mphološetša eng, a tseba gore O ya go ntoba? Modimo ga a dire dilo, morago a se bušetša morago mo dibekeng tše pedi, go

boloka tshepišo ya Gagwe. Ge A go phološa, ke bakeng sa nako le Bokagosafelego.

<sup>213</sup> Bjale, o ka kgona go thanthshelwa, gomme wa re, “Oo, ee, šegofatšang Modimo! Haleluya! Ke boletše ka maleme. Ke goeleditše. Ke mo hweditše. Haleluya!” Seo ga se re gore o O hweditše. Eupša, ngwanešu, ge Sengwe se etla fase *fa*, gomme o kgwapareditše le Kriste, gona dikenywa tša Moya di a go latela. Re bea bohlatse, moya wa rena le Moya wa Gagwe, gore re barwa le barwedi ba Modimo. Hle ebang le Woo, bagwera.

<sup>214</sup> Ke tla le swarelela fa bošego bjhole, ke bolela ka ao. Ke a O rata. Ke a le rata. Ke bowa morago go tabarenenekele ye nnyane ye, nako ka morago ga nako, ge Modimo a ka setša bophelo bja ka. Ke nyaka go le bona le tsemile medu le šitletšwe ka go Tumelo yela ye kgethwa. Ga ke nyake go le bona le tšokatšokišwa, ke phefo ye nngwe le ye nngwe ye nnyane ya thuto e tlago kgauswi, gomme e le šikinya, le go tšwelapele, le go ba le madi a mannyane ka diatleng tša bona, go ba tšhwaane ye nnyane godimo ga sefahlego sa bona, goba sengwe se sengwe, le go boneng mohuta tsoko wa—wa—wa dietša pele ga bona, le mohuta tsoko wa se—se selo sa boikholamong, bjalo ka ge Beibele e rile, “A tlalelane ka pelong, gomme a se a bona selo.” Yeo ke nnete. Ke le nyaka le kgwahle go Lentšu. Ge e le O RIALO MORENA, dulang le Lona, phelang ka Lona. Leo ke Urim Thummim ya letšatši le. Modimo o le nyaka le phele ka Leo. Ge se se ka Lentšung, gona lebalang ka sona. Phelelang Modimo, phelelang Kriste.

<sup>215</sup> Gomme ge pelo ya gago e thoma go hlahlatha tikologong, o a tseba go ne se sengwe se se diregilego, eya morago aletareng gomme o re, “Kriste, mpshafatša ya ka . . . thabo ya phološo ya ka. Efa go nna lerato lela le nkilego ka ba le lona. Le dutlela ntle, Morena. Go ne se sengwe ke se dirilego. Ntire yo mokgethwa gape, ke eme. O Morena, ga se gona nka kgonago go se dira. Ga ke kgone go tlogela *se* le go tlogela *selo*. Ke lebeletše go Wena go se ntšhetša ka ntle ga ka, Morena, gomme ke a Go rata.”

<sup>216</sup> Gomme sepela go tloga go aletara yela, motho yo moswa ka go Kriste Jesu. Kagona o ka se sa swanela go ithekga ka kereke ya gago, go ithekga ka moprista wa gago, go ithekga ka modiša wa gago. O ithekgile ka Madi a tšholotšwego a Morena Jesu. “Le phološitšwe ka mogau.”

A re rapeleng.

<sup>217</sup> Morena, dithuto tša go tia bjalo! Ke nako mo kereke ye nnyane ye e ka kgonago go ja dijo, gomme e sego maswi a Lentšu gape. Re bile ka maswing bontši kudu bjale, go fa lesea lebotlelo la gagwe. Eupša re swanetše go ba le dijo tša go tia, gobane letšatši le batamela kgauswi. Dinako tše kgolo tše thata di kgauswi, gomme bothata bjo bontši bo letše ka tseleng. Gomme re a tseba gore go ka se tsoge gwa ba dinako tše kaonana. Re a

tseba gore re mo bofelong. Dinako di tla tšwelapele go befa le go befa go fihla Jesu a etla, go ya ka Mangwalo.

<sup>218</sup> Re ka se kgone go ba tshepiša selo ka bophelong bjo. Eupša ka bophelo bjo bo tlago, re ka kgona go ba tshepiša Bophelo bjo Bosafelego ka Lentšu la Gago, ge ba ka dumela go Morwa wa Modimo gomme ba Mo amogela bjalo ka Seloba sa bona, bjalo ka yo Motee Yo a emego ka lefelong la bona, bjalo ka yo Motee yo a tšerego dibe tša bona. E fe bjale.

<sup>219</sup> Anke basedumele ba be badumedi. Anke baipoledi ba kereke, fa bošegong bjo, ba ba ipoletšego bodumedi gomme ba no phela ka kerekeng, anke ba amogele boitemogelo le Modimo; gore lerato le lebjalo le tle ka pelong ya bona, gore ba lle bakeng sa dibe tša bona, ba hwe go bonabeng, gomme ba be bonolo le botho, ba rata, le go tlala ka thabo le ditšhegofatšo. Go pheleng bophelo bjo bobjalo, go fihla ba le letsmai gore ba dire batho ba ba lego go ba dikologa, ba nyorelwa go swana le bona. E fe, Morena, gobane re e kgopela Leineng la Gagwe.

Gomme ka dihlogo tša rena di inamisitšwe.

<sup>220</sup> Ke a makala, bošegong bjo, ge eba go tla ba yo motee fa, a re, “Ngwanešu Branham, ge nkabe ke etšwe go selekane sa Modimo ka nako yela, ke be nka se tsoge, tsoge, tsoge ka kgotsofatša senyakwa se o boleLAGO ka sona bošegong bjo. Ke go nyaka o nkgopole ka thapelang, gore ke tla fetola ditsela tša ka, gomme Modimo o tla tla ka gare le go ntšhetša ditšiebadimo tše ka ntle ga ka le go ntira Mokriste wa kgonthe”? A o ka phagamiša seatla sa gago bakeng sa thapelo, ge o, ge o ka rata? Modimo a go šegofatše. Modimo a go šegofatše. Modimo a go šegofatše, ka morago. Modimo a go šegofatše. Modimo a go šegofatše, mohlomphegi. Modimo a go šegofatše, ngwanešu. Modimo a go šegofatše, kgaetšedi.

Mokgethwa, Mokgethwa, Mokgethwa, Morena  
Modimo wa mašaba.

Legodimo le lefase di tletše ka Wena,  
Legodimo le lefase di tumiša Wena,  
O Morena Yo Godimodimo.

<sup>221</sup> “Mokgethwa.” Ge o nagana bjale, o rapela, ge o ikwela go kgodišega gore o be o le phošo, gomme o nyaka go loka, a o ka no phagamiša seatla sa gago, wa re, “Modimo, ntire se ke swanetšego go ba sona”? Modimo a go šegofatše, mohumagadi yo monnyane. “Modimo, ntire se ke swanetšego go ba sona.” Modimo a go šegofatše, ngwanešu, kgaetšedi, wena, wena, wena godimo fa.

<sup>222</sup> Mosegare o a hwa. Ke a tseba go bothata, bagwera, eupša go kaonana go tseba Therešo bjale. Bjale rapela ka setu.

Mokgethwa, Mokgethwa, Mokgethwa, Morena  
Modimo . . .

Ke Yena yo mokgethwa, a nnoši.

. . . tlala ka Wena,  
Legodimo le lefase di tumiša Wena,  
O Modimo Yo Godimodimo.

<sup>223</sup> Tate wa Legodimong, ge letšatši le dikela mantšiboa, dirobine di kgobokane ka mehlareng le baratwa ba tšona. Dinonyana tšohle di ya dihlageng tša tšona. Maeba a fofela godimo ga mathale, godimo, gore dinoga di se a tshwenye go kgabola bošego. A dula kua gomme a kuruetsana seng go fihla a robala. Letšatši mafelelong le a dikela.

<sup>224</sup> Letšatši le lengwe re tla tlase go iri yeo. Go dikela ga letšatši go ya go direga. Ga ke tsebe neng, Morena. Eupša go ne batho fa bošegong bjo ba ba kgodišegilego gore ba bile phošo, gomme ba nyaka go tla go lefelo leo, boka Lincoln a tliego go lona ge a be a ehwa, o rile, “Rotollelang sefahlego sa ka go lebanya letšatši le le dikelago.” Gomme o thomile, “Wa rena Tate Yo a lego Legodimong.”

<sup>225</sup> Bjalo ka ge Moody wa bogologolo a rile, “A ke lehu le? Le ke letšatši la ka la go rwešwa mphaphahlogo.”

<sup>226</sup> O Wena wa Gosafelego, ba amogele gonabjale, ka tumelo, ge ba dutše kua ka ditulong tša bona. O kokotile pelong ya bona, ka setulong. Yeo ke aletara ya bona. Ye ke nako bakeng sa Gago go ba amogela, gonabjale. O rile, “Yo a tlogo go Nna, Nka se mo lelekele ntle le ka mokgwa ofe.”

<sup>227</sup> Gomme letšatši le lengwe ge letšatši le dikela, mosadimogatša goba monnamogatša a eme kgauswi le malao, dingaka di tla tloga. O Mokgethwa, Mokgethwa, ye botse yela, khomolo ye bose, feela pele ga letšatši le dikela. Ge re ka kgona go phagamela godimo le go re:

Thapama le Naledi ya Mantšiboa,  
Gomme pitšo e tee ya go hlaka bakeng sa ka;  
Gomme anke go se be go ngunanguna  
lephekong lela  
Ge ke bewa ntle go ya lewatleng.

<sup>228</sup> O Modimo, e fe go bona iring ye; ge ba sa letile, ba letile bakeng sa tšhegofatšo ya Modimo go tla godimo ga bona. Tloša pelwapelwana yohle, yohle ya lefase, kgole go tloga go bona, gomme hlola ka gare ga bona pelo ye mpsha. O rile, “Ke tla ntšha pelo ya kgale, gomme ka tsenya pelo ya nama. Gomme Ke tla bea Moya wa Ka ka pelong yeo, gomme ba tla sepela ka ditaelo tša Ka le go boloka melao ya Ka.” Gobane, ke ditaelo tša lerato, gomme e sego tša mošomo. Ke tša lerato. Gomme lerato le re gapeletša go e dira. Ke mošomo wa lerato, go re gapeletša. Ke mošomo wa rena go latela lerato. Gomme ke a rapela, Modimo, gore O tla e fa go pelo ye nngwe le ye nngwe ye e phagamišitšego seatla sa bona bošegong bjo.

<sup>229</sup> Gomme bao ba sego ba phagamiša seatla sa bona, anke bona bjale, ka mogau, phagamiše diatla tša bona gomme ba Go amogele, gomme ba tlatšwe ka Moya wo Mokgethwa ka go ye ye bonolo, ye bose, ya setu, tsela ya go kokobela; gomme ba tlale ka mogau, ba tšwele ntle ga fa bjalo ka motho yo a fetogilego. Ka fao dinonyana di tla opelago go fapana, kafao yo mongwe le yo mongwe a tla bago go fapana, ka morago ga iri ye, O Morena Yo Godimodimo.

Mokgethwa, Mokgethwa, Mokgethwa, Morena  
 Modimo wa lefase,  
 Legodimo le lefase di tletše ka Wena,  
 Legodimo le lefase di tumiša Wena,  
 O Morena Yo Godimodimo.

<sup>230</sup> Lena bjale ka dihlogo tše lena di inamišitšwe, lena bao le phagamišitšego diatla tša lena go gopolwa ka thapelong, a le ikwela boka gore Modimo o boletše le lena ka tsela ye bjalo bjale, e sego ka maikutlo, eupša se sengwe tlaseltlase ka go wena, le ikwela boka gore Modimo o le file Bophelo bjo Bosafelego? Le ikwela boka le ya ka ntle ga kerekere bošegong bjo bjalo ka motho wa go fapana? A le ka phagamiša diatla tša lena morago bošegong bjo? Modimo a go šegofatše, morwa. Modimo a go šegofatše, ngwanešu. Modimo a go šegofatše, kgaetšedi. Modimo a go šegofatše. Yeo ke nnete. “Ke tla tloga kerekeng ye, bošegong bjo, motho yo moswa.” Masea a go tswalwaleswa ka Mmušong wa Modimo.

<sup>231</sup> Go diregile eng? Ke a tseba tshepedišo ya go tla aletareng. Yeo ke aletara ya Methodist, tshepedišo ya Methodist, ke ra gore. E ile ya hlongwa ka kerekeng ya Methodist, ka matšatšing a John Wesley. Ga se ya nke ya ba ka matšatšing a Beibebe. “Ba bantši ba ba dumetšego ba okeditšwe Kerekeng.” O kgona go dumela e ka ba kae o lego, ntle ka tšhemong, ntle mokgotheng, e ka ba kae. E ka ba kae, ga e dire phapano e ka ba efe, feela bjalo ka ge o amogela Kriste bjalo ka Mophološi wa gago wa sebele. Ke tiro ya Moya wo Mokgethwa wo o tlago ka pelong ya gago. Ge o Mo dumela, o Mo amogela, o feta go tšwa lehung go ya Bophelong, gomme o ba sebopiwa se seswa ka go Kriste Jesu.

Se mphete, O Mophološi yo boleta,  
 Bjale emang ka maoto a lena.  
 . . . sello sa ka sa go kokobela;  
 Ge O bitša ba bangwe,  
 Se mphete le nna.

<sup>232</sup> Bjale ke nyaka lesogana le mohumagadi, yo ke naganago go ba mosadimogatša wa gagwe, yo a phagamišitšego seatla sa gago, ke go nyaka o phagamiše seatla sa gago gape morago fao; morwa, o aperego jase ye khubedu, le mohumagadi, gore ba amogetše Kriste bjalo ka Mophološi wa bona wa sebele. Lesogana le le dutšego fa ka setulong sa bagolofadi, o amogetše Kriste bjalo ka

Mophološi wa gagwe, o ikwetše gore Modimo o mo phološitše. Gomme ba bangwe morago ka kua bao le phagamišitšego diatla tša lena, di phagamišeng gape gore batho ba kgone go lebelela tikologong, ba be le kopanelo le lena.

<sup>233</sup> Šikinya seatla sa bona, yo mongwe tikologong, a emego kgauswi le bona. E re, “Modimo a go šegofatše. O amogetšwe ka mmušong wa Modimo, ngwanešu wa ka, kgaetšedi wa ka.” Kopanelo, ke seo re se nyakago. Modimo a šegofatše . . . Šikinyang diatla le lesogana le mo ka setulong. Morena a be le yena. Yeo ke nnete. Re go amogela ka kopanelong ya Moya wo Mokgethwa.

<sup>234</sup> Ge o se wa ke wa tsoge wa kolobetšwa gabjale, gomme o ka kganyoga go kolobetšwa, dira tsela ya gago godimo gomme o botše modiša ka yona. Mogobe fa eibile o ne meetse ka go wona, bošegong bjo, ge o nyaka go kolobetšwa. Se sengwe le se sengwe se komana. (A le bile le kolobetšo, golebjalo ka ntle ga?) Eupša mogobe o komana, ge e ka ba mang a nyaka go kolobetšwa. Beibele e rile, “Sokologang, yo mongwe le yo mongwe wa lena, gomme le kolobetšweng Leineng la Jesu Kriste bakeng sa go tlošwa ga sebe sa lena, gomme le tla amogela neo ya Moya wo Mokgethwa. Gobane tshepišo ke ya lena le bana ba lena, bona ba ba lego kgole, ba bantsi ba Morena Modimo wa rena a tla ba bitšago.”

<sup>235</sup> Le a Mo rata? Phagamišang diatla tša lena. [Phuthego e re, “Amene.”—Mor.] Oo, a Yena ga a makatše? Re ipshina bjang ka Puku ya Bahebere? Le a E rata? [“Amene.”] Ya. Semaka. Bjale, Ke phošollo. Oo, E tiile gomme E otlogile, eupša re rata seo. Ke ka tsela ye re nyakago go ba le Yona. Re ka se be le Yona ka tsela ye nngwe.

<sup>236</sup> Bjale, a le a dumela Pualo o na le maatlataolo go E rera ka mokgwa woo? Paulo o rile, “Ge Morongwa a etla gomme a rerile ebangedi e ka ba efe ye nngwe, a a be morogwa.” Yeo ke nnete? Kafao re Mo rata ka pelo ya rena yohle.

<sup>237</sup> Bjale ke ya go kgopela modiša go tla fa nakwana feela, ngwanaborena yo bohlokwa kudukudu, Ngwanešu Neville, gomme o tla ba le lentšu go le botša. Gomme bjale, ge Morena a rata, re tla le bona ka Laboraro bošego, le go dira dipeakanyo ka go ya go Ngwanešu Graham Snelling bakeng sa bošego bja go phuthega. Gomme ka gona bakeng sa go rera mo go tšwelapele, ka tema ya 7 le ya 8, Laboraro le le tlago le bošego. Ngwanešu Neville.



*BAHEBERE, TEMA YA BOŠUPA 1* NST57-0915E  
(Hebrews, Chapter Seven<sup>1)</sup>  
SERISI YA PUKU YA BAHEBERE

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mantšiboa, Setemere 15, 1957, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)